


土岐文庫
文庫17
W82
18



文章 17
W82
18

玉瀾集鈔

四八

朱樨字逢年文公之叔父也少有軼才自負其長不肖
隨俗俯仰厄窮蹇踔有人所難堪而其節愈厲其氣益
高其詩閒暇畧不見悲傷憔悴之態因夢名堂曰玉瀾
梁溪尤延之叙其詩

二詩寄德粲并簡內觀諸友

春風本自掣肘去那更病留過一句滿眼山川雖不改連
天桃李已成塵銀河誰與洗兵馬寶唾安能泣鬼神悵望
故人分雪此飛雲落日在綸中
九淵亭上二三子見說年來事事新隔水不容招手喚曲
窗已有畫眉人醪醑香好急攜酒題鳩聲繁催送春笑我
江南未歸客飄然天地一閑身



010185188448

因蹈元看竹了軒因用去年方字韻作此
淇澳渭川那復夢而今天遣出南方要觀大節須霜雪莫
說此君無肺腸照水形容殊不惡臨風言語一何長山僧
豈識留連意千里故人逢異鄉

三山次潘靜之升書記韻

客路那知歲月長
掀眉一笑苾芻房
且傾徐邈聖賢酒不
問陳登上下牀
雲影翻空迷海嶠
秋聲隨夢到江鄉
明朝各聽船窗雨
猶憶枯棊戰四郎

逸書寄出與李知哲唱和詩次韻

邂逅招提頓客輶
十年塵土且休休
三人月下從渠便
二老風流到我不
南北只今無好語
山川如許更悲秋
故應賸作鏘金句
莫羨羣兒萬戶侯

老兵種菊以詩謝之

蔬畦雨徑策動時
徙種隣墻菊兩枝
九月無人過朱放
十分舉酒酌王尼
花栽泉玉秋風健
香近龍涎曉夢知
負口不應還負眼
長鑿煩爾鎮相隨

九日與客語慨然有廬山之興

九日黃花笑白頭
分將牢落付荒丘
半川暝色聊償夢
別嶺秋聲旋寄愁
江國經年多浪語
匡廬入手是真休
未能免俗須登陟
睨視元龍百尺樓

三山次鄭德孺韻

日脚微明雨脚疎
誰將雲夢賦相如
西南山好君知不
一見全勝讀異書

何日歸舟片葉輕
白鷗相伴鶻微鳴
只應潮打蓬窗處
已

作離騷一半清

寓居南軒

雲氣披猖月意孤冬青倒影上庭隅燈橫老薺蛾方去警
掩新芸蠹已無一世盡知關魯酒十年不擬歎齊竿支頤
坐覺疎星沒獨扣龍頭瀉酪奴

答戲昭文梅花

臘到方留此日寒雨多未覺過雲殘共驚臺柳惹惹去獨
抱園花細細看洗面不勞千點雪薰衣剝破一分檀詩人
窮苦誰料理只倚東風酒量寬

延平道中

一溪春漲午晴初日透波光綠浸裾却憶孤山山下路石
橋清澈看叉魚

雲間三十六峰高北望思歸夢亦勞來客雙峰莫相笑少
低吾眼爲兒曹

舟次龜湖阻水因遊董山

山雨疎疎心又驚起瞻天色斗微明他年一枕江關夢知
憶蓬窗此夜聲

一川黃濁寫崐崙苦恨南溪不盡吞三老亦知行意速時
時插竹記沙痕
拂拂朝霞到客舟苦疑雨意在鳴鳩好峰天半元相識且
作僧牀挾策遊
夢好山晴曉不知船邊今日見鬚眉向來快寫崑崙地元
有薰風綠盡時

僕自以四月十四日自延平歸所寓之南軒積雨陰

濕體中不佳二十五日夜夢至一處流水被道色
清絕若有欄檻而無屋宇有筆硯皆浸水中予驚
問何地有應者曰此玉瀾堂也夢中欲取水中
筆硯作詩詩未成而覺意緒蕭爽殆不類人世鷄
已一再鳴矣因賦此

蓬蓬飛夢過雲鄉物色清輝眼界長
聞闕未招金馬士蓬萊先立玉瀾堂
千尋濯足衣裘冷六字哦詩筆硯香
當與瑤池作同社紅巾青鳥兩相忘

贈周功崇

閩嶺浮沉二十年歸心日夜夢江天
謾題甲乙煩君看若說功名只自憐
造物小兒知薄相箇中老子已忘筌
一節聞作東南去豈欲求人左海邊

夏夜極涼

素簡久辭夜清風先戒秋稻淡羣蛤
吠草暗一螢流古在殊無計心空尚有求
按圖尋分野楚尾見吾州

六月二十日二十一日立秋

天涯明日見秋風錯莫誰驚碧樹空
豈意楚山招隱處盡歸蜀客廣騷中
釣魚聊爾針方直乞米茫然帖自工
獨卧南軒聽南澗蠻花猶作杜鵑紅

春間小詩書趙園壁追錄之

柳態隨時秀花容近酒輕綠窗京洛語
蓋抹早鶯聲

小語不知夕幽香無盡時影寒人欲醉
明月照醪醑

夜坐池上用簡齋韻

落日解衣無一事移牀臨水已三回
斗沉北嶺魚方樂月

過秋河雁不來疎翠庭前供答話淺紅木末勸持杯明明
獨對蒼華影莫上睢陽萬死臺

書報國壁向年寓學於此嘗見虹下飲溪中復聞子

規

昔與春風來此時攜書齷齪伴兒嬉山晴欄楯投雌霓身
病林蠻號子規短髮蕭蕭吹易盡長江滾滾去何之欲追
舊事無言說更作三生石上期

北山小集鈔

四九

程俱字致道衢之開化人以外祖鄧潤甫恩補官坐
書論紹述罷歸宣政間進頌賜上舍出身歷官禮部郎
建炎直秘閣知秀州南渡航海趨行在紹興初為秘書
少監時庶事草創俱撫三館舊聞為書曰麟臺故事上
之擢中書舍人兼侍講旋除徽猷閣待制晚病風痺秦
檜薦領史事不至卒年六十七為文典雅閱奧詩則取
滄韋柳以闕陶謝蕭散古澹有忘言自足之趣標致之
最高者也

雜興十首

一日復一日百年如此耳那將千百計來日何窮已逝者
不可追來者安可知正恐聞道晚勿言功用遲誤

誤點滅駁牛妙技有餘賞作意畫蛇足至今猶撫掌君看
人間事類此或往往浩歎可奈何悠然起遐想
中夜忽自省昔我今是非音聲故如昨齒長鬚滿頤有人
夢中言子念無乃癡今猶昔人耳昔人安在茲
濯濯簷下溜刁刁樹間鳴蟲號百鳥鬧小大各有聲聲多
不畱礙響振元無形何殊百千炬光影各自明
胡葵向晨照日引一尺長松栽四五年擢幹未出墻溥溥
露方晞借此顏色芳各畱一寸心試待九月霜
春鳩一何拙社燕一何巧天陰逐其婦飲啄聊自了嚼泥
亦綢繆託此華厦好物生固有分巧拙均一飽
穆穆新稟秭補此茅屋漏問云力田人歲事苦耘耨終年
手足眠得此以自覆香杭一過眼糠覈餘滿竇

昔年過吳江戀戀不忍去臨江塵息盡廓若埽翳霧茲爲
三年畱已厭波濤怒乃知常人情趣新方捨故
軋軋田邊車卷卷不得休出之一寸痕益以幾尺流扶提
暴中野強作田家謳車聲真哭聲天遠將誰尤
少小息振奇頗恨身不長身長益多累信與憂俱生回思
二紀間浪使儵忽爭誰能補黥劓反我孩與嬰

吳縣遊靈巖

春物已如許放舟出橫塘扶橈漾漾漲迨此白日長草木
有佳色欣欣弄浮陽幽禽靜相呼乘和自翻翔春風不著
人浩浩吹我裳終年息煩促於此興未央捨舟得平地陟
彼萬仞岡明霞墮山西夜氣鬱已蒼豈無從我遊夾道鬚
髯張風來得好語落落隨低昂幽堂埽禪榻靜對燈燭光

身輕浴新出境寂慮欲忘虛窻忽含曉睡起日照梁羣山
發春姿秀碧澹以芳晨光晞薄露草樹滋幽香徜徉尋昔
遊步屨循長廊振衣一長嘯寸目了八荒上嗟百世基竟
坐一笑亡見劉禹錫詩當時館娃地今作選佛場乃知諸夢境
遁化豈有常飄然詠歸歟此適頃未嘗重來會有興肯使
墮渺茫旁人挽予言借問身閑忙吾方有公事子去無相
妨

過方子通惟淡

白日苦易晚我懷多隱憂憂息劇春浸浩漫不可收出門
欲有適舉步且復休塵中等膠擾念此將焉投駕言城東
北閭閻卽巖丘是中有幽人厲志凌霜秋寸田荆棘盡不
假斤斧修門無雜車馬一飯乃見畱虛堂芝朮香下有百
尺虬蒼陰匝平地老幹森下樛堂中羅酒漿耿耿燈燭幽
四天黜無光萬籟肅以擘炯然坐相向更僕語益適我身
動乖忤夢寐喬松遊常恐在泥滓永爲天所囚會當從之
子濯足萬里流

夜半聞橫管

秋風夜攬浮雲起幽夢歸來度寒水一聲橫玉靜穿雲響
振疎林葉空委曲終時引斷腸聲中有千秋萬古情金谷
草生無限思樓邊斜月爲誰明

讀神仙傳

騎龍上天入太清繼世而往在我盈握鈴而呼大司命主
非使者走折脛乃知神仙非智巧積功累行如邠鎬專懷
邪辟祈長年誰言淮南雞犬飛上天

鯉魚腹中有隱符白魚腹中有素書鞭靈走石纜一戲騎
麟上天亦徒爾誰能解衣涿水中使人呼指赤鯁公

莫作龍眉山頭客三百年不得作直故應未辦作李公投
身百斛旨酒中鼓琴先生有怒色有愛終當爲物役江都
王勿預人事俾蟲膏血使誰從汝索

胥門著蔡經市門著梅福我爲松江吏與汝相望亦相逐
高冠長劔衛士從有口底事使蠟封此身况不爲陳尉就
公蠟封三尺喙不能擲米作珠爲狡獪

古釣臺歌送阮閱休美成浚徽浙東

餓夫一往西山空攫金肘篋清晝同東方作矣事何若玉
柙未解裙襦中排肩炙手日卓午暮夜掉臂目送西飛鴻
謂言水壺不受汙正似馬耳經東風我思一人去我千載
乃在淞水之東富春瀨山嶽嶮兮轟雲漢溪流喧唳白石
亂瀨聲盡處萬尋碧蟠蜿蜒兮守斯人之故宅旁人指山
名釣臺下視九土氛黃埃投竿百轄何足道直拂三珠挂
瑤草彼一人兮皎獨立清風爲神水爲骨佩瓊蕤兮結明
月紉蘅蘭以薦枕兮服龍淵之無缺羊裘蒙茸溪水旁大
勝被袞升明堂劉秀發兵誅不道氣壓昆陽纜一掃登牀
撫腹坐太息始信赤符非至寶君房素癡定不癡致位鼎
足何其危阿諛順旨腰領絕安知直言身見殺我昔客新
定挂帆七里灘整冠拜祠下巖巖千仞層臺巔神遊八海
極髣髴聆其語但覺萬古松風寒滔滔舉世無不可正自
喪我非母我巖灘水清山翠微貪廉懦立歸來兮奎蹄絮
縫不可以久棲

卽事戲作四首

老鳥作巢一何拙柳條垂絲今秃缺銜枝復墮苦饒舌編

條作巢枝錯節老鳥研好汝勿傷藏鳥待得春葉長安巢

令汝著哺母密葉更能庇風雨齊前數柳樹為老鳥取新條作巢幾盡

黃雀黃雀飛相逐相呼門前啄遺粟啄粟飽卽休有人挾

箒埽泥待作粥數日門外輪苗遺粒狼戾黃雀喧集貧家小兒爭埽去謂之掃泥米

鶴唳固有似云何啄泥取蚯蚓蚯蚓食泉曾不惡鱗鮠蜿

蜒尤不忍何如忍飢向芝田腥涎溷爾不得飛上天畜一鶴頗食腥穢可厭

鳥啼未必惡麾去恨不早鵲噪兩耳聾主人亦言好安知

一喙鳴喜戚自顛倒朝來羣鵲噪不已童稚無知助吾喜

羣鵲自與鳥爭巢慎勿喜歡真誤爾齊前羣鵲時噪

謝人惠硯

帝鴻墨海世不見近愛端溪青紫硯溪流見底寒且清光

凝淺紺淵之精斧柯千古遺仙局雲暗半山含紫玉割雲

鏡玉巧如神龍尾銅臺可奴僕君來自南數千里不載珠

璣如薏苡芊芊溪草裹石硯文字之祥直送喜明窗大几

墨花春爐山吐蘭千穗雲虛中含默靜相對那復草玄驚

世人劉禹錫有端溪石硯人間重贈我應知正草玄之句

穹窿葬事回邑有感

生別萬里餘會面終有期死別不轉眸一朝千古非白日

光在天玄陰闕泉扉盈盈閨中秀土化成枯皴冠笄共甘

苦謂見素髮垂那知死生變不待桑蔭移室有病時茵篔

有嫁時衣了了眼中事閑妝靜容儀垂楊手曾折為我當

春稀迅流無迴波落英無還枝空房閨無迹新墳草離離
傷心北門道同來不同歸

過劉姓園居

負郭三頃稻並田五畝園人生如此足安用華其軒親戚
居南陌交遊在東村有酒輒共醉傾輸見情言三徑雜桃
李九畦蒔蘭蓀黃甘百頭奴碧梧萬支孫山供景無盡石
映溪不渾桑麻中饋任布刈鄰翁論下以活妻孥上以奉
清溫時從赤松子亦訪吳市門嗟我抱此志十年若朝昏
家山渺天末松菊豈復存茲園臨官道坐笑車馬奔前山
復場圃疏築隨坳墩我來適春穰亂眼紅青紛慨然動鄉
思夢寄東飛雲

題海會寺

萬杉堆青沒山骨雲埋七峰時出沒飛泉拂石瀉哀湍下
有萬古蛟龍窟藏頭睡熟呼不起地坼三年蝗蝻出千山
脉理漬清甘一罇涓涓流石液同遊况與惠詢輩許主簿遠首座
納屐振衣何勃窣大門當前新築道跨水曲欄欹突兀春
鳴輓轆趁朝炊水眈懸流機械發指節對此自三歎抱甕
老人長搢搢却坐幽堂忽浩歌回首已失西山日

望九華

船發大雲倉五十里許願江南衆山中有數峰奇爽特
異一見卽知其爲九華問篙人果然因知褚季野於廣
坐中識孟萬年正應如此作詩一首
卷簾對坐江南山掠眼送青來疊疊雲泉肺腸久厭飫挂
頰悠然聊復爾奇峰遠澹忽四五爽秀鬢鬢逼窗几平生

九華盛名下一見定知真是矣非關目力觀天奧正覺羣
山如聚米好山如人有高韻不獨江州孟公子直緣佳處
無仕逕落莫道邊同苦李大是忘年耐久交藜杖青鞵結
終始

山中對酒

秋客澹青山爽秀雨皆足清溪照千仞空翠疑可掬何年
顧兔窟桂子墮山腹老香散淡林屑玉綴黃粟朝來客衣
動一葉下空谷客心如棼絲日月共煩促胷中尚磊塊陶
寫賴新淥要當酒千鍾澆我愁萬斛顧有獨醒人儵然倚
枯木

二月二日富陽城東

一春何許最佳處柳色初勻息殺人風揉雨練不可觸明
綠映空顏色新舊雨來時花未齊今雨一過花團枝明朝
試踏城西路已復可憐枝上稀

桐廬道中書事

一星熠熠初尚微俄頃滿天如灼龜溪流黯黩四山黑怒
芒當空唯太白舉頭仰書天漫漫飛星縱橫絕河漢新月
未高不可見終夜起坐發三歎

題張太丞明園亭

京華真陸海聲利之所闡向來山林士往往去不還濡足
未肯已沒身何足歎張侯翰林客金龜著朝班生平用一
指談笑起廢殘紛紛多廬子名譽莫敢攀五十未云老幡
然歸故山歸來謝奔走治此五畝園養樹如養生斤斧不
浪于醫花如醫疾察標見其源花譜有醫花法上有十圍木蔚然

午陰寬下有百步荷紅鮮映清瀾爽氣日多佳西山挂簷
端安能九衢內髀肉磨鞵鞍我今坐奇窮進退坎井間違
已恨紆轡長飢息抱關當時彭澤令四壁唯瓢箪折腰未
爲辱徑去曾無難而我亦何者栖栖猶強顏

送崔閑歸廬山

琅琊山中水韻入三尺桐琅然醉翁揀發白玉澗翁流泉
不成音寫寄十二宮醉翁不可見妙語聊形容嘗聞三峽
泉上與天漢通請君記餘響相被玉珮風此聲倘可繼那
復有此公

吾友胡少汲結廬皖公城瀟山有小隱背負紫翠屏前臨
一溪水可以濯我纓欲分青山半畱我谷口耕信美非吾
鄉翩然遂宵征聞君草堂處亦復佔地靈虛簷倚蒼崖下
有玉澗鳴樂哉不可到因君懷友生

有美一人

有美一人在昭君藕絲爲衣蘭作裙君初顧言淑且真直
欲載以黃金輪人心變化如浮雲明妝覺暗笑作顰何當
還之承華茵今君宴寢凝清芬

有美一人在煙汀朱顏朝滌玉壺冰素手暮理朱絲繩語
言窈窕丹鳳鳴坐持紈扇睇秋螢何當還之翡翠屏爲君
把鏡整衿纓

有美一人在南浦月明採珠光照渚瑤衣被體金索縷獨
抱幽寒洙煙雨何當置之白玉宇爲君歌陽春激楚有美
在南國以下四首亡時鄒志完在昭州曾子開在汀州陳
瑩中在合浦

賦長興錢圃翁詩

學書要不成學圃苦不早向來執戟郎何似於陵老我無
拏雲意所念在一飽閉門種蕪菁抱甕澤枯槁荒畦財一
席嚙嚼到春草頗聞長城翁八十顏色好城西有寬閑終
歲常却埽安得五畝園如翁一生了

遊善權寺

放舟荆溪上溪水清且徐雲中離墨山慘淡初有無捨舟
並松麓下直浮屠居榻來東軒上爽氣已有餘飛來定何
年無乃與此俱奔流湫庭下北竹梁寒渠山淡絕凡境物
物清以曜蕭森倚巖秀天矯懸崖枯幽禽發寒唳響振高
林疎我行亦良苦却步計已迂解衣卧清晝尉我千里劬
予自邇來姑蘇省女兄竟欲歸却行三百七十里訪江中
嘉於宜興故有却步之句

善權洞

嘗聞包山境中有林屋天旁通號地脉嶽瀆潛鈎連茲山
豈其類瀕洞皆中穿二巖岌山足琤淙激奔泉牛羊走大
石吐受無窮年金堂下石液雪積如烹煎從來米鹽稱浪
播俚俗傳一洞啓山腹穹窿亦聯綿誰題九斗字大篆仍
深鐫中藏丈五石屹若龍騰淵回頭問主人謂仲嘉我輩定
不凡云何逐官牒常得我所耽向來共幽討九鎖藏芝巖
而我自林屋翩然游皖瀟洪崖儻可俯不在南山南

白馬洞

披榛不知疲詰屈巖下路俄然見溪窾僞步入巖戶一泓
窈而澄百步清以驚人言紫髯仙白馬從此度磷磷盡赤
石丹竈遺滓汗收藏已見啼效速勝麻護因知世盲聾荒
怪雜疑誤虛空如許大長嘯可平步胡爲萬山底躑躅向

煙霧

神魚泓是日與諸公流杯中如西丘故事

柳州固奇士戲好亦幽絕遠懷西丘飲千古清興發倘伴
恨無所盤俎對羈紲聊爲五里行邂逅一壺挈神魚伏山
根渟湛初一穴侵侵決寒溜沙石助清越披莎得盤石離
坐若天設實觴競乘流眩轉亦飄瞥爭持或三酌遇坎時
一蹶歡來朱碧亂笑罷巾帽脫相望西丘游詎易議優劣

張公洞

昔年京江夜飛夢投雲山仍追謫仙老嘯詠層崖巔左盼
俯無地蒼巒生紫煙當時賦幽賞妙境竟莫宣今我來自
東扶僂漾荆川飽聞張公洞怪絕駭所傳聊從二三子一
結青山緣北靈敞奇觀下矚壺中天恍然驚昨夢了了墮

我前仄徑縹危棧重扇護靈淵奇礪立坡倚側洞時鈎穿
初疑天台聚納此一室間夸娥運神化不隘亦不顛又疑
清都客翩然下雲駟幢旒儼行立導從森蟬聯丹梯香霧
濕玉室珠嬰懸撐虛一柱屹戴重三能騫鈇竈久已冷青
驟那可鞭香壇望八景東晨開五便坡陁忽度險宛轉漫
無邊或淡如列厦或迤纔容肩高躋乍捫頂僂步欲墊泉
不知行遠近一步目九遷噫嘻此天設端在太古先恨無
少陵手寫之黃絹篇聊書夢中夢投筆一粲然

公羊粲然皆笑

借居毗陵東門四首

客去不能寐儵然清夜闌樓居俯長川仰視天宇寬長川
濯雲漢錯落星宿寒青燈故可親且還對塵編其人骨已
朽千載與我言掩卷三太息虛簷清露溥

急景不可挽吾生豈無涯吳中十年舊鬢髯亦已華嗟我
壯且老方知失林鷗欲歸巷無廬欲駕塗無車而子亦羈
滯心事如蓬麻人生無巧拙命爾將如何吳中十年舊鬢髯亦已華嗟我
猗猗隔河樹纂纂緣堦草時當長養候顏色豈不好萌芽
忽柯葉茂大旋枯槁滔滔不自知但見壯而老人生亦草
木萬化迭侵擾朱顏日夜變素抱豈自保
借居臨官道堂陰俯長河前車接來軫後棹紛相摩我
居其間超然嘯而歌頗從故人語安用高軒過旁有五
園不知主誰何時能曳屣往豈異吾山阿

和柳子厚讀書

事賤反多暇居卑適無虞人間不爭地聊此謝畏途
營營子熟視付一吁塵中亦何有坐聽日月逾展卷即

古置書忘萬殊不妨權子母亦復商有無平生僅識字乃
與憂患俱持此遊學海屑臺漸積蘇年來但遮眼頗覺心
恬愉囊錢足自飽肯怖騶朱儒起卧一場間兀如糜株拘
涼風北牕下不減愚溪愚誰能三萬卷懸頭苦劬劬小極
正當寐睡魔不須驅

戲呈虞君明察院暮

三仕三已心如空一壑一丘吾固窮門施雀羅正可樂車
如雞栖良不惡曾中九華初欲成綵衣玉斧雙鬢青世間
何樂復過此不失清都左右卿
長安陸海如洪爐五金出入無精狗平生椎鈍堅重質一
往融液隨流珠請觀五石大瓠種正以濩落浮江湖環中
何者爲榮辱千鍾何如三釜粟坦途緩步東方明大勝

虎臨溪谷

秋夜寫懷呈常所往來諸公兼寄吳興江仲嘉八首
秋聲不關人倦客偏入耳蕭蕭舞黃葉策策振疎葦明知
壯則老搖落固其理如何石心人慨歎中夜起

蓬藿沒三徑藤藁上瓜廬時聞步屨聲欵關問何如定坐
無雜語文章較精麤馬融辭東觀抗辭與世疎顧此窮巷
士華顛空著書屬王元規防

外監嗟已遠吾猶識其孫森然見孤韻辯作懸河翻低頭
向螢窻有類鶴在樊讐書五千卷字字窮根源頗擣未見
書過我樵無煙屬賀方回鑄

向來霜秋句俯仰歲一終人間有寒暑方外無窮通青青
千丈松不改冰雪容坐閱蒲與柳飄蕭隨雨風寒松老益

高蒲柳老益衰流萍况無葉復與飛蓬期却掃計不早出門欲何之屬方子通惟深余壬午歲常過子通賦詩有云是中有幽人厲志凌霜秋又云會當從之子濯足萬里流俯仰十二年矣懷此高人

剝啄驚午枕軒昂見長身蒼髯如脩竹定非俯仰八德公
卧襄陽不踏官府塵此老頗似之酒酣見天真結甚幽

獨已辦老圃鄰披榛時一來數面久益親屬楊奐夕鐘孺
一士出吳下諸生有楊王相從寂寞濱無乃計未良縱橫
二千字坐可致玉堂詞章乃糠粃不直粟一囊我媿非子
雲文書昧偏旁窮居似韓子草樹亦荒涼時能出佳句尉
我秋夜長屬王楊二頁士

物色一如此淒風薄人衣遙憐下山客增歎雉朝飛固知
難為懷舉食念齊眉勿使梨棗間纏綿生繭絲

清霜掃蕪靡豈爲一草木方春萬物遂苑藥及水谷乾
本平施憎愛豈有屬不應懷偏慳獨遇吾黨酷奇躬坐迂
疎此事計已熟如何半世間生理常刺促二篇屬一山仲嘉
仲嘉有八節多
難比有仇儷之戚故云

夜坐

飢鳥夜啼棲復起乞粟飛光透窻紙捲簾萬瓦白生煙桂
影扶疎淨如洗回腸正隨清漏轉葉下空庭亂如散青燈
耿耿夜何其雲篆吐蘭初一線歲云暮矣萬竅號霜天旅
鴈求其曹月行虛空幾萬里羣犬吠光聲正豪蒲團瞑日
空危坐逝者如斯白駒過悠悠昨夢不可攀此身此心何
日閑

春日寫懷

春風遍芳華一國盡狂醉窮閭獨不知但見長蒿薺秋聽
起蘋末一華初未墜幽懷獨先覺意象已淒厲故知春與
秋初不爲我計危絃自應悲寒木終易脆要之夢中夢憂
樂同一寐翻然詠軒丘心量浩無際

豁然閣

雲霞墮西山飛帆拂天鏡誰開一窻明納此千頃靜寒蟾
發澹白一雨破孤迥時邀竹林交或盡剡溪興扁舟還此
城隱隱聞鐘磬

讀陶靖節詩

吾觀靖節詩三歎有遺音卧看起詠之悒悒澹多心欲學
靖節詩慎勿學其語心源如古井衡氣光發字言無出言
意妙語自天與譬如清冷淵月湛不可取欽崎阨驚湍乃

若震雷鼓斯言可淡味往往棄如土

到官兩旬四走山野作詩以自勞云

上山偃伸如望天下山偃仆如淡泉胡為持此不貴寶來
試萬丈懸崖巔前人見踵後見頂反足鳥道相攀牽欻然
置我章貢上水激石罅奔雷填荒塍曲澗無遠近渺渺不
見墟中煙土岡鑿路狹如隧蘇壁藤薜蛟地纏寒風颼颼
失白日上有萬木蒼陰玄航溪之淡揭其淺碎石齧足聲
號川茗山發我一長喟彼有吳市中仙飛瓊練玉存故
處祇有井竈無霜鈿我今正坐五斗米悔不辟粒從期佺
向來吳松厭羈旅三歲半逐鴟夷船故教筦庫著疎嬾坐
守兀兀聊窮年安知求逸得奔走豈異避挺蒙戈鋌咄嗟
萬事無必計努力唯有歸園田

按圖經茗山有梅福鍊丹竈故有飛瓊之句

九日雨中對菊忽塊坐用雨中對花韻二首

曾中有天游一室未為迫永懷東籬翁那復有此客重陰
敗佳辰長雨不為澤堆厖對黃華菜色被臧獲黃華亦蕭
條伴我雙鬢白猶能相响濡嫩葉供小摘

去年蛾眉山痛飲真得計新蟾繼秋陽明潔謝點綴今年
坐蝸廬簷溜落空砌花開信多雨會少苦分袂茫茫大塊
間游子况無蒂百年能幾何行復驚改歲

急心如危絃未斷先凜凜風庭忽知秋中夜不安枕力行
無遠途積縷成重錦男兒未蓋棺雅志安得寢榮衰非所
念身世固已審亦復羨久生聊為老錢飲

魏文與鍾繇書云屈平悲冉冉之將老息餐秋菊之落英輔體延年莫斯之貴謹奉一束以資彭祖之術

元夕塊坐因用葉翰林去年見寄元夕詩韻寫懷

兒童逐遨戲先春禱春晴心如飄風快日若水壺明寧爲
惜日計所願佳節并老來見紛麗如乾闥婆城流光不可
挽譬彼空中聲那知節物佳條然謝將迎幽燈對簡編歷
歷記所更斯須閉關卧鼻息驚雷鳴寤念北山北田家已
催耕胡爲異鄉久空寒猿鶴盟短日良易暗凝陰有時晴
何人勸之照燭燎皆爭明今年春苦寒寒威劇幽并連綿
積三白雲埋闔廬城淡泥淡新雨行路無人聲藜燈不來
下箕卜豈復迎朝來日照梁天氣忽已更稍聞橋市間簫
鼓遠近鳴吳人尚游樂急如赴春耕唯有窮巷士守窮如
守盟

西安謁陸蒙老大夫觀著述之富戲用蒙老新體作
丈人意何長縱目文史足琅然五行落洞視不再讀作書

兼遠焚衆妙探玄竺公作莊頌般若頌數百篇時時歌四始笑捧五經
腹高堂發新稿重複羅籤軸觀之類窺管諷味得膏馥蒙老號爲連韻如云風捧諷韻

白頭書生黑頭翁長安時花幽澗松遠飛近啄雖異志天
命厚薄無雌雄鈎淡采博燥喉吻守此一畝蓬高宮杜門
不出交二仲木陰澗曲遙相通紫囊貝葉資藝苑款關一
見踰三冬亭亭漫更多所歷乾死書螢心似漆王門賓閣
不畱行赭顏跣足搜泉石茅簷正欲結雲根竹葉榴花薦
餘瀝當從元亮賦言歸木茹麻衣永投筆蒙老號爲合諧藥名如當歸木

十月五日集李野家歸作

賢愚孰無營急景信可惜如何闔廬城乃有此閑客懷安

豈初志運甍有餘力相從無何鄉邂逅一日適虛窻得朝
 陽寒凜作春色琴書羅棊几一一淨如拭畫沙見奇蹤落
 屑非近識似追永和還未覺正始隔崢嶸衡霍圍莽蒼雲
 夢澤時華玄低邛幽鳥共淡寂誰驅此變幻戲納方丈域
 慚公慶春釀澆我憂息積豈無車公語謂方顧匪伯仁匹
 謂長檠蠟華摧起視霜月白酣歌美清夜擁髻侍通德參
 差吐幽妍鑿落豔芳碧觥籌不留行為問此何夕言歸謝
 主人五斗安可極

戲示江協律漢

酸寒北山尉憔悴孔州守枯魚同處陸濡沫賴詩酒當時
 年尚壯意氣亦何有祇今雙鬢華十載一回首仕初君似
 遇遊倦吾已醜邂逅記昔遊空嗟漢南柳

江再和戲答

當年季將軍晚節河東守誰令一人譽揮去坐使酒長卿
 起遐陬落筆賦烏有要之乃雕篆意不在黔首窮通付造
 物世俗浪妍醜何必送五窮呼奴結車柳

空相僧舍書事

午景入疎竹堂陰筠粉香疏簾撲空翠無風自微涼碁聲
 破禪寂日轉幡影長霏煙觸垂瓜泛乳搜枯腸投局起尋
 勝徘徊雨花堂巢蓮見靈龜信有千歲祥徐觀乃跋鼈圍
 圍術菰蔣笑罷能歎息是非可兼忘却坐對談塵水松想
 千章斯須二子矯若驚鴻翔府中有料理不作功曹狂

杜甫為功曹云東帶發狂欲大叫籊籊書何急來相仍是日
 江越潘以幕職事去

戲贈江仲嘉司兵

君不見謝公栖遲樂東土起作司馬征西府莫年談笑有
穰孫鶴唳風聲走強 又不見子猷剡川高興闌肯隨鶴
書落人間不知騎曹底官職朝來挂頰看西山平生清真
翠窳老泉石膏肓偶同調歲寒落落見孤松不忍低眉寧
枯槁年來無米繼朝炊聞說吳興富魚稻不妨來作古司
兵士卒投醪止息藻美哉洋洋雪溪水秋塘百里荷花繞
當年釣徒放浪處醉目悠然送歸鳥斯人不死世不識往
往凌波弄瑤草君方叅同 龍虎我欲治荒種梨棗會當
月夜見庖眉一笑超然凌八表 張志和自號爲江湖釣徒

送趙子書奉議歸睢陽用熊倅韻

紛華眩人劇朱碧子獨好書如好色王孫被服甚寒生射
策君門先破的滎州書箱三萬卷錦 付此庖眉客南遊

句吳北大魏亦復徒勞問刀筆不唯脣齒腐經史正自雲
山鑱智臆老來息交息簡事爲子忘劬廢晨昔春風滿帆
送歸舸回首清游如昨日知君名駿定千里不待朝廷訪
幽側有書時寄鴈南飛顧我漁樵正爭席

同趙奉議離吳興江仲嘉與其兄仲舉送百餘里醉

中戲作此句一首

大江飲酒如澆灰小江飲酒顛如雷扁舟相送不道遠百
二十里雲帆開云亭老人窮不死故園茅屋荒蒼苔闔廬
城中一畝地已辨甕牖鋤蒿萊吳興上佐吾黨士十年縱
賞西王臺眉間黃色袷綵服掩樓長嘯春風回要須酩酊
酬此別不離萬頃添金杯明朝相望卽湖海縱有美酒何
爲哉

過毛達可友給事覽壁間舊詩次韻二首

堂前清颺發樹外赤日西坐令天壤間氣候忽不齊解帶
席嘉蔭長哦壁間題故應有神護塵土不得迷前年款公
門鸚鵡亦已啼今年復羈旅庭莎欲鳴雞西游有底急觸
熱忘卑棲似爲飢所驅不計轍與蹄綈袍意彌厚槃餐洗
羹藜磊塊久不澆醇醪代朝釐襄陽乏新句夜直難相攜
黃華非不佳寒澹每見少蕭蕭亦無言懷抱不自曉淡嫌
小桃天欲伴霜松矯窺叢慰寂寞時有南飛鳥主人真賞
奇灌植勤便了徘徊傍東籬高興在塵表坐有白頭生臨
風百憂繞

北固懷古

阿瞞長驅壓吳壘飲馬長江投馬箠英雄祇數大耳兒仿

佛芒碭赤龍子幄中况有南陽客布衣躬耕無甌石當時
鼎足計未成聊此一奇空赤壁人隨流水去不還卧羊頑
石畱空山如今畱石亦煨燼山與長江相向閑

秋華無幾尚有紫薇相對里巷間

晚花如寒女不識時世妝幽然草間秀紅紫相低叩榮木
事已休重陰闕淡蒼尚有紫薇花亭亭表秋芳扶疎綴繁
柔無復粉豔光空庭一飄委已覺巾裾涼手中薄葵箒雖
復未可忘仰視白日永淒其感冰霜

秋雨三首

細字忽難讀松窻失朝暉開簾視天宇屯雲凝如鷺霏微
乍噴灑翁忽看淋漓斯須建百川中庭卽方池秋雷亦動
地勢洶萬鼓輦虛簷忽無聲蒼狗變白衣飄搖露穹碧涼

聽洗蒸炊雨師真解事作止適所宜

十日儷辰次如環了無端人言秋甲子畏濕不畏乾向來
譙門道旁立三尺壇故勤壁間緣一起泥中蟠青衣躍且
躁有如沐猴冠先聲忽灑道直此辰與干邇來未旬浹三
見急雨寒黃流抹河草連檣度平瀾良苗有佳色未覺千
畝寬時暘亦須早無使江湖翻頃年吳江大水斷長橋吳人相傳爲太湖翻
華首三不遇求田亦良圖莫嗔湖海士豪氣故不除扶犁
本吾事二頃終勝無繞舍生蒿蓬閉門種英蕪從渠百尺
樓笑此蝸牛廬吳中久卜鄰會從古人居荆溪一塵地儻
與求羊俱屠門過大嚼一雨喜有餘正恐二三子聯翩躡
雲衢空令千里駕悵望黃公壚林德祖周憲之皆居蘇郭慎求田園在陽羨

過紅梅閣一首

春風如醇酒著物物不知能使死瓦色化爲明艷姿寒枯
出繁秀巧與節物期江梅故幽獨綽約不自持居然北枝
後迨此白日遲春風日浩蕩醉色回水肌清妍有餘態衆
芳謝凡卑憑虛一回睇俯仰歲月馳所恨培雪根向來歲
寒枝差池弄芳晚坐令顏色移顏色固嫵媚幽香無故時

題蔣永仲蜀道圖

梓州別駕真雛鳳賞古探竒坐飢凍要窺瓊 蔚藍天直
上潼江歷秦宋每逢佳處靜盤礴流出胷中九雲夢乾坤
塊圪本無迹我獨毫端發神用戲驅萬變寄陶寫軒豁端
倪巧搏捺蒼筠擢秀飽冰雪古榦撐空中梁棟竒礪那得
在山谷回首何年委堅重輪困偃蓋屈金鐵天矯驚虬起
巖洞春江莽蒼迷東西漢南老柳參差垂煙中遠近見木

未明星已沒城烏啼平生險怪三峽水古木籠嵒陰風吹
石間雷電殷九地出入噴薄無窮時我身趺足半天下偃
蹇故是山林姿南行瀟霍北嵩洛應接不暇空狂癡作詩
寫意如捕景况有三絕窮天機清晨對此况自失眠中太
白橫峨眉請君十襲秘緹華恐復仙去歸無期

寄開化李令光

我行阡陌間苗麥已復青茅茨間新稿雞犬有和聲不見
吏索錢田家得其生雞犬亦肥字不遭無事烹於斯可觀
政豈在赫赫名父老亦相語驩然就春耕官租及時了卒
歲樂無營

山間古梅林有鴉集其端不飛亦不鳴彈射莫敢干下窺
羣雀雖啄頰刻其肝欣然舐兩爪意得良自安飛來多凡

鳥助此凶且殘安知萬山曲亦復鳴棲鸞相咻固不可見
嚇技亦殫衆鳥既有恃相期在歲寒

園居荒蕪春至草生日尋野蔬以供七筯今日枯枿
間得蒸菌四五亦取食之自笑窮甚戲作此詩

平生囁嚅口出語無媚悅定非肉食姿賦分在藜藿僑居
得空園窮陋亦清絕分陰豈不惜飽睡送日月蕪菁不須
種衆草今已茁朝來一雨過青細皆可掇東籬有更生杞
狗僅堪埒乃知天隨生豈羨五鼎列堂萱不吾負芽甲破
春雪縻身薦瓢簞解我憂思結薺花雖未繁著地爛於纈
驚雷發蒸菌自可當夏鼈馬蘭亦芳脆人苧固凡劣晴朝
當炙背俯僂事挑抉家人各盈簷汲井手自挈滿炊太倉
陳侑以冬菹冽盤中長闌干置饋每虛撤恨無籜龍苞此

味那得闕長謠青青槐饒液想庭樾妻孥覆相誚男子志
勳烈君非老浮圖菜本可長嚙况茲閑草木豈為刀匕設
乃翁笑摩腹萬事付一呷此中有真趣勿為兒輩說

九月七日夜夢王元規詰旦其弟元矩適相訪感而

作詩一首

故人入幽夢彷彿平生懷心知九泉隔意象慘不開哦詩

不成章慙愧誰能裁曰此蕭爽士寧當沒黃埃夢中作詩
兩句似是

此意然不
記本語清晨客在門乃自烏衣來典刑見難弟共歎一

息垂幽明不可詰此夢何為哉回觀南園道微徑已蒿萊

卜築西塢

和柳子厚南澗中題

出處初漫浪淹留失佳時時英盡珠璞寧復見誰差一去

四十年伏櫪久已疲幸此歲將暮穿雲弄清漪窈窕煙塢

中蒼陰晝森垂
女焉寄茅屋橫
仄任所宜谷口
蔚杉竹柴

門畏人知誰言一丘壑儻與汗漫期

寄菱湖江仲長柔

和柳子厚初秋夜雨贈吳武陵

急澗無止水秋蘭無故叢別來今幾年坐閱毗嵐風交親

半鬼錄生者仍衰窮及茲過君家樽酒一笑同知我獸輦

鼓煩君韻絲桐相攜步林壑暫覺萬慮空禱社寄莊叟謂

醉鄉著無功謂仲長醒來百憂集尚寐期無聰

晨起梳頭髮白且稀有感

余髮已種種我懷亦依依風林無安巢寒日無餘輝束髮

隨官牒前言服良規豈唯會計當自詭牛羊肥妄獻北闕

書野芹安足希一挂邪士籍徒嗟寸誠微倦倦叨畝志正

作禍患機羈危不如人行行向知非世變不可料塵暗

王畿真人起白水帝命式九圍謨沐宣室召白頭侍經幃
誰言螢燭光敢近白日暉誰言草木萌敢試雷霆威野馬
立仗下軒昂妄鳴嘶弃之老牛阜無復瞻龍墀天公了無
私與奪適所宜時方急功名選愼安所施士方貴才辯安
用鈍訥爲常人與善士何異於愚癡譬之救焚溺珮玉行
逶迤弃捐乃其理刺天看羣飛幸非高明室百鬼浪見闌
自從伏巘巖風淫得偏痹有足不得行有手不得持每息
林野娛濟勝憂無期堆厯不得往如驥繫且韉如盲不忘
視如寒不忘衣如痿不忘起如羈不忘歸但願老窮健長
甘北山薇豈復理鬚鬢我冠待晨曦

自仲嘉云亡未始見夢舟行夜入吳興境有夢如平

生感而賦詩四首

江子隘斯世翛然向方蓬一朝成千古寤寐不復通夜入
雪溪境胡然見幽夢高標何所似俯仰風中松談笑如平
生炯炯雙方瞳去年經行地陳迹亦已空故應玄真老相
與遊無窮

諸人久不死而使武子先斯言大癡絕愛惡無乃偏君看
雅正情播在三百篇秦人哀三良百身寧可捐相鼠有溪
刺嗟哉胡不遄此豈惑者歟加膝墜諸淵乃知孫楚狂未
必非公言

世以勢論士君誠不如人揚揚乘軒者志滿氣甚振外見
七尺軀中有萬斛塵鑿柄固難入鸚鵡豈相倫炙手苟可
熱行路爲雷陳高棲冷如鐵骨肉不得親誰能獨無死榮
辱久乃真

皇天非無知伯道固有後百年能復幾僅比一昏晝久知
彭錢天不及殤子壽向來簞瓢生廟食至今侑東陵雖飽
死千載有餘臭梟蕃得刳腸若折謾遺鼓試當問立夫此
理或可究

初到書局以萬七千錢得一老馬盲右目戲作古句

自嘲一首

蹄開三尋汗流赭九達雷電爭飛灑我窮那得騁追風正
擬虺虺行果下平生畏塗飽經歷夜半臨溪無馭者故應
造物巧相戲却此盲人騎瞎馬李南知音當覆漢騰
嘲不相假執鞭良稱塞翁兒並轡聊從杜陵夏尻然病羸
豈其類老矣問途那可捨徑煩一夫事刷秣似桂新芻不
盈把向來伯厚亦安在結駟雞棲同土苴他年東去把捺

風縱爾逍遙汴東野

晁無斃將之錄示近詩有和其兄以道說之詩次韻

以致區區兼簡以道

談詩如談禪練性如練墨

以道淡於明理頗喜造墨

壯心悟龜毛少作

豈蛇足平生甚元龍未信今伯玉十年得投閑高卧謝寵
辱定知貧勝富固自平為福著書著名山會使山鬼哭結
廬近三休為米時一出猶嫌佛場選肯問燕臺築俗人難
與言鏡鬢遺盲禿前年客長安正覓三釜粟塵中一傾蓋
爽氣岷峨綠別來更崎嶇寡陋嗟我獨塵埃篋中書有手
不暇觸

次韻寄謝公表韓公朝請

世人如鯽魚自蔽翻吐墨猩猩亦何罪不衛脣與足要當

時木鴈安問定石玉向來休休翁老去稱耐辱迹高名自
汗卒享清淨福肯爲接輿生叩木妄歌哭韓公早聞道垢
濁久已出終成九層臺不棄一簠築長安列戟第桐影將
缺禿寧辭治中輿且食祠宮粟曾中荆棘盡華髮當更綠
抗塵我何庸勇退公所獨何如善刀藏聊放虛舟觸

和葉翰林送李從事

賞音真兩難邂逅多契濶一朝間容刀三歲歌采葛古人
抱修能初不露錐末誠令處囊中談笑堪式遏豈無識玉
人顧恐鑠金奪遂令緇衣好斂迹裁自脫畫蛇杯已疏志
鵠弓遽撥徒嗟湖海上髮白牙齒豁懷公劇梅林念至失
焦渴臨風賦新謠憂思不可援

自寬吟戲效白樂天體

武陵謫九年下惠仕三已或窘如拘囚或了無愠喜吾生
憂患餘年忽及耆指偏非未全安抱病更五禩進爲心已
灰弃置甘如齋坐狂合投閑伏老宜知止向令身安健不
過如是耳每思古窮人我幸亦多矣照隣嬰惡疾羈臥空
山裏纏綿竟不堪抱恨赴潁水文昌兩目盲無復見天地
簡編旣長辭游覽永無冀吾今雖抱病蹇曳非頓委時時
扶杖行積步可數里校之卧牀席欲坐不能起雖扶不能
行懸絕安可比時從親故談亦不廢書史右臂故依然運
筆亦持七籃輿時出遊初不廢牢體况無他證候色脉苦
無異詳觀動息間儻有全安理侍祠了無庸竊祿愧索米
借居浮屠宮非村亦非市廷堂甚爽塏高屋敞窗几郊林
接溪水眼界頗清美嘗聞天地間禍福更伏倚藉令衰蹇

身終老只如此何須苦嗟咨未必非受社形如支離疏飽
食逸終世目盲如宋人全生免儒使平生歎遠遊今我在
桑梓田園接家山區處及耘耔平生困鞅掌今我恬無事
寢興縱所如出處不違已病來益尊生對境空相似永無
貪欲過稍習衛生旨不爲六賊牽豈受三彭毀人言病壓
身往往延壽紀大鈞默乘除萬一理如是安全固自佳蹇
廢亦可爾死生猶寤寐况此一支體細思安否閒相去亦
無幾如何不釋然萬事付疑始

贈別吳忱宣德

并序

余客都城邂逅河南吳誠伯偕寓興國僧舍其爲人樂
善嗜學練熟世故徒居蘄春適再世耳而蘄春人至都
下者無賢不肖必來問訊其廬所傾下往往知名士故

舊有以急告隨所厚薄賙之誠伯自言尉光山時捕得
強盜十許人賞應第一等獄具部送府盜親戚望哭道
旁或扶老攜幼號戀不忍聞誠伯顧盜非素猾賊爲人
害者一旦迫飢寒適爲盜乃陷重辟耳因以盜還送縣
稍緩其獄久之皆得不死賞固不論也凡此過世俗遠
甚今茲同寓僧舍者至數十人乃獨見親厚此又何也
余調官東歸誠伯從余索詩爲別匆匆不暇還家作此
寄之

吳公河南守薦士得賈生偉茲天下士何止千人英吳公
失名字功業曖不明要非萬頃陂莫著橫海鯨當時好賢
意豈愧勃與嬰蔽賢如面墻自使兩目盲好賢如力穡
穰嘉穀成至今餘慶在望著河南城如君豈其裔樂善

與京高門二千石世德故可評平生周旋士往往凌
 作史今十年讀書不求名向來光山政何異古所稱
 士營已寧使我負人聊須借汝頭一用朱吾輪今君乃能
 爾所弃如毛塵故知古賢世尚見風俗淳倚予一畸士落
 落良可憎折腰務求合俗眼竟不青憧憧九衢內邂逅蓋
 一傾何從乃知我頓有交舊情相隨若形影出語見肺膺
 長安速化地頑鈍終無營中宵起歸思襍被東南征投林
 無擇巢促步無安行寧嫌蕞爾邑要是衆不爭紛紛同舍
 客聚散雨不停毛子去山邑哦詩對崢嶸想見簿領閒烟
 如九秋鷹毛世高調淡州戢羽翮題輿重廬陵胷中若懸鑑圭
 角不自呈上官閣中快石老故游倦飄蕭數星星崇山古惡地
 無乃煩笞榜音彭石典宗振有程翁頗專嘿兩版晝夜局
 時時繫烏帽匹馬挾二黥安知剎那間一卧不復興程典
 其餘復誰在誰與交忘形去駕雖結轍來檣競揚舫懷君
 尚畱寓京塵染裾纓其誰念久要佐子飛且鳴况君緇衣
 後世故飽所更會當力推挽橫絕非階升却顧五湖上有
 人方耦耕

送林德祖致仕東歸

并序

壯而仕老而歸理也士溺於仕故困而知返病而能休
 老而知止者世則猶然貴之若德祖於斯三者無一焉
 然去官如脫屣是乃真可貴矣德祖方未仕以學行有
 盛名四十起家至為部刺史所歷皆儒官入糾天府於
 今為要地年始登六十茹蔬飲水神幹儼如也一朝浩
 然有歸志退自府舍不謀於朋友不告於妻子夜半狀

上府晨朝可命下斯亦奇矣余行道南徐過故人蘇三
祖出許振叔書道德祖掛冠勇決之狀余時冒初暑河
遠途忽忽煩憤聞之灑然如挹寒流而濯清風也而或
者疑焉余曰子無異也士溺於仕久矣其視爵祿猶飢
者之美膏粱渴者之赴水泉寒者之陽而暘者之陰也
意若攀垂綆而上千仞不可須臾置也今乃有人道通
博之才居軒冕之會非有宜去之年不得已之事也然
且一朝去之彼以誇竟之心計之是豈不可駭而疑哉
且仕不仕何常之有德祖非爲亢者也非常利者也徒
曰適吾之適以遂吾之性而已雖然自砥節礪行之詔
屢下所以愧責貪競者之辭實淡聖主之所望士夫之
恥也今觀德祖之去就重輕亦足以振士風矣夫仕者
畢心力以奉所職處者先廉退以風士類是皆有益於
時者也德祖豈不賢遠於人矣哉既遇諸淮陰舟翩然
東使人有冥鴻之歎因爲詩以附諸公之末云

浩浩聲利閒靜躁同一區排肩日中市有類逐獸趨中朝
尺寸地衆睇咸睚盱安知大雲客出與飛雲俱翛然棄之
去初不計卷舒紛紛軒裳士矐目口爲喏茫然更歎息不
聞賢與愚乃知楊少尹未足繼兩疎時當老而傳不失仕
且居非同會稽史苦誓困簡書不比狂季真索身憂病餘
耆年了無事方當騁亨衢投簪逸湖海沛若縱壑魚雖無
揮金事日者誰公如清風激多士故是明時須恨無采詩
氏儻有東歸圖

餘杭法憲院荆文公書堂文公康定中讀書於此

鍾山太傅起從龍鼓動風雷指顧中未見圖形求傅野豈
知徒步客新豐青鞵曾訪餐芝老許遠遊登崑茹芝乃餘杭山中也白首
唯餘擣藥童寺僧言文公多養疾此堂當時給侍童子今八寸餘歲矣藏壁故應畱斷
簡至今山鬼慟悲風

送蔣主簿入都赴試一首

東南貢吏紫髯郎一馬駸駸客路長袖裏山林洗塵霧腹
中文字了縑箱流年過我長如許樂事知君詎未央行恐
飢來驅我去也遮西日上河梁蔣有名畫小軸常置懷袖名畫中圖
罷吏客郡城已數月滯畱忽已歲暮浩然興歎作一

首

一行作吏向吳城五見姬媪上薄水魏覲三章堪自約殷
源百尺敢言登柳楸祗送人爲郡壹媚初非我負丞鞅掌
棲遲俱害性不知鬚鬢欲侵凌

寒夜遣懷一首

強醉重雲欲散鹽三更飛霰忽驚簾大呼何與癡人事此
意多應俗士嫌出戶仰看天漫漫持盃愁作夜厭厭消除
心事都無處下盡中軍三百籤

許主簿見和過有推借再作奉呈

身謀自昔須三窟世味端能敗一薰醉裏閑愁濃似酒春
來歸息亂於雲松栽咫尺傳盧老棗實方將訪許君見許遠遊
與王逸少書却喜雲孫共來往扁舟時入白鷗羣

用前韻作招許主簿

風騷無復見黃初尚想應劉載後車病骨不知緣底瘦愁
眉時得爲君舒動人春色來隨鷺入眼溪流靜見魚祗有

此中多好句可來茅閣試憑虛

謝江仲舉惠酒

山城無物可忘憂但有平原病督郵知我囊中無白水煩
君若下出青州芳甘未謝三年醞傲兀能消萬古愁會待
東郊春意動鳴鞭乘興草堂遊

次韻張祠部敏叔游滄浪蘇子美故園

醉倒春風載酒人蒼髯猶想見長身試尋遺址名空在却
歎張羅事已陳稍置曲欄穿徑竹別開高閣俯汀蘋拏舟
更欲陪清賞要看毫端藻繪春

哦詩夜坐餅疊久空無以自勞寄吳興趙司錄江兵

曹

詩成不直一杯水年大常懷千歲憂何須中令能強記正

要將軍為破愁故人久負丘壑志公子欲尋梁宋游相逢
儻有蒲萄綠肯向西涼博一州

九日寫懷

節物驚心兩鬢華東籬空繞未開花百年將半仕三已五
畝就荒天一涯豈有白衣來剝啄亦從烏帽自欹斜真成
獨坐空搔首門柳蕭蕭噪暮鷓高適九日詩縱使登高祇
斷腸不如獨坐空搔首

窮居苦雨

慢膚便腹轉疎慵睡足茅簷日過鴻墨客縱令三尺喙木
奴何似十年功門前羅雀非吾病竈底生蛙不世窮舊雨
未乾新雨漲可憐愁絕力田翁

避寇村舍

再脫兵戈裏全家走路塵百年同是客萬事不如人幻境

終歸盡生涯正要貧故人知在否魂斷楚江濱寇至之日江子支趙叔問適泊舟江口未知今在否

和答何蒙聖刪定

曾中林壑寄商顏門外紅塵了不關年去人猶昔人耳身游才與不才間與君同覺夢中夢顧我長嗟山復山何日方舟歸里社韋編應許試窺班蒙正淡於易學

和江仲嘉見寄

華門蓬舍不知春車似雞栖甑有塵千里傳情望雙鯉一杯和影祇三人交親離合同巢燕身世羈危獨繭綸四體不勤心擾擾擬將玄旨問吳筠江修練故有此句

酬穎昌葉內翰見招

觸熱西遊沂濁波京華旅食謝經過年侵鏡裏今如此

缺壺邊可奈何賓閣遙知懸玉塵直廬應許到金城唐子浩然

故須公一節趨環召猶及昆明百步荷

旅舍寫懷

半世江湖寄此身冰墟何意及陽春離騷痛飲非名士款段還鄉亦善人病木作花真強活長魚沈陸恐摧鱗清時英俊如麻葦敢歎長年甑有塵

林德祖有詩寄光祿蔣卿夢錫璫及送朱博士駿發

終篇皆見及次韻寄懷

閉門那復賦三都傳世何妨強著書東海遺榮行路歎南山歸隱故人疎尚平婚嫁無餘累摩詰身心即淨居六十挂冠雖早計絕勝銜索泣枯魚聞德祖見近已娶婦故有尚平之句金華玉府九天開夜誦何人薦逸才太學諸生終莫挽長

沙賢傳幾時來別離傳恨空魚素歲月如飛逐管灰亦欲
相追老湖海稽山肯放酒船回德祖既休致不復作都城
書余獨時致書問訊故有
空魚素之句

和江子我端友

雨脚初收曉霧開青鞵布襪好追陪幽人無事長相見佳
句有時還自來白業誰能超石壁朱顏亦任發春醅憂來
忽憶燕南信安得闔鄉老萬回

別後有懷子我追用巾字韻作寄

漉酒空裘五柳巾一觴相屬念情親玉川奴婢今猶昔錦
里田園老更貧水洞清泉誰共酌風篁幽徑好尋春開年
晴暖須歸去還向江湖覓故人子我東去云欲居無錫或
過錢塘故有水洞風篁句
鄭希尹大夫會吳中諸老唯方子通不至余作詩呈

希尹

黑頭新貴擁朱輪交會耆英久不聞博識猶多漢郎吏敦

詩仍有晉將軍

一作惛惛無華漢郎
吏詩書執禮晉將軍

河流曲曲靈光異芝

蓋莖莖瑞氣芬

是日九人

坐想城東隱君子無心閒似嶺頭雲

張敏叔祠部章伯成戶部餘皆員郎故有郎吏之句張仲
謨嘗帥熙河故有將軍之句

會稽旅舍言懷

北山之北寄柴扉茅屋參差倚翠微老罷那知還作客春
來無奈苦思歸淹留恐復荒三徑潦倒寧堪扈六飛乘鴈
雙鳧成底事不應容易裂荷衣

次韻江子我見寄長句

余時初忝秘書少監

泥行正作龜藏穴霧隱初微豹一斑豈有高標如冠玉况
無談古解連環一登文石趨宣室三竊蟠桃向道山早晚

共尋雞黍約林泉猶得半生閑

山近

山近雲多態身閑夢亦幽紙窗先得曉布被最知秋海眼
來陰冷雲根逗暗流結茅容我卜投老為君留

丁巳九日攜酒要叔問通道門樓而江彥文寄玉
友適至因用已未歲吳下九日詩韻作

涼秋風物正清華極目高樓不見花老境固知無樂事醉
鄉聊欲寄生涯銀鈎遠寄清桐滑玉液親題赤印斜笑引
壺觴成一醉歌筵遙想鬢堆鴉聞彥文是日有盛集

戊午歲九日復與叔問登城樓再用前韻作

兀坐空嗷服九華衰顏淡覺負黃花但令無事長相見敢
歎百年生有涯維堞曉登千嶂抱穀波秋淨一溪斜歸來

更展新詩卷醉墨淋漓似老鴉盧仝有却來案上翻墨汁
塗抹詩書如老鴉之句

葺蝸廬吳下用葉翰林見寄詩韻作

四海無廬置此翁故營松竹儘囊空明知計出栢馬下正
擬身全木雁中東郭易成生草舍南村先怯卷茅風向來
豪氣今如此敢與元龍較長雄張志和結廬東郭茨以生
草余結廬皆竹椽松柱故
有松竹之句

和白樂天二首寫懷仍效其體

莫把蒼龜更問天向來心事已蕭然塵中倘悅常如失夢
裏呻吟半不眠三徑松筠終問舍五湖煙水不須錢艾耆
相去能多少早擬懸車十五年

中臺退食每逡巡不向重華即淨因豈但語言鄙少味亦
知才術不如人五雲華闕通閨籍萬頃煙波擲釣綸鳧雁

去來何足道從容居士宰官身

和趙子雍游石園

長嘯西風一散襟重陰疎影靜相臨
水通笠澤秋容淨竹種玄池野思深
石磴掃雲留晚步松谿隨鶴盡幽尋
舊遊回首成春夢太息憑誰寫寸心

太湖汎檝西原道卽事三首

司空山頭朝出雲西源渡口十里陰
煙中雞唱未及午白雨作泥泥已深

上崖下谷鳥道中前屨後巾魚貫從
西山路暗光已夕東

山山頭餘日紅

道旁甕盎如汝陽石間電電如呂梁
不知身世在何許舉頭四山鬱蒼蒼

登富陽觀山亭

橋公宅中木參天孫郎山前春燒煙
大橋不向五湖去建康宮渡空歲年

題蔣崇德彝所藏明皇夜遊圖

燃膏飛控逐流光露溢金盤樂未火
擬跨八龍窮轍迹誰令一馬向銅梁

七夕

阿母雲車下建章茂陵秋草竟荒涼
漢庭卿相如麻葦只數窺窻陞戟郎

胥門老蔡定凡仙會有神人與作緣
自笑塵容滯窮骨不如雞犬上青天

江仲嘉行邑將歸見寄絕句次韻

龍麟江公故不羣八關三窟斷知聞喜談狗馬從無鬼獨
抱冰霜似此君

常嫌小知漫間間曠度蕭然只愛閑不借黃梁畱客醉嚴
關三鼓款銅鑲

勸農行稼亦看山牛驥何妨共一閒應笑云亭老頗僻背
崖無地結三間

漾漾扁舟拂水飛飄飄蘋末細吹衣傳呼匝地來連壁東
郭人知典午歸仲嘉行縣歸司錄趙叔問迂之南門聯鑣還府率以為常

詩城端欲據天山酒戶猶能敵飲仙幽事相關公事了如
屏千嶂翠連綿

三峰草堂

庭前雙梧一畝陰禪房蕭森花木淡清霜脫葉空山響夢

覺寒窻松月林

雨洗千山翠欲浮稻畦松澗已爭流朝來風急凝雲盡歷
歷鐘聲過五州

避寇儀真

北固山頭豎白旗西津渡口僕姑飛將軍笑引三千騎洗

馬鷓翎間道歸是日間浙西總管提兵自瓜洲取道儀真度長蘆便道趨杭

茅茨低小對青山准擬餘年向此閑南望青山是黃鶴欲
憑黃鶴寄書還

戲題畫卷

五載京塵白鬢鬚丹青遐想寄衡巫如今埽迹長林下却
對真山看畫圖

曾中雲夢本無窮合是人間老畫工常恨無因繼三絕倩

人拈筆寫胷中

答和江子我

長江袞袞葉蕭蕭心與虛空自寂寥過眼文書風度穴迎秋衾枕帶妄腰

柳標橫擔入亂山恍如黃鶴倦飛還不妨步屣時來往山北城南一望間

駐蹕揚州以提點刑獄公解為尚書省禮部在西北隅卷書樓下甲戌年余嘗寓止焉今寓直其下有

感

三入南宮更白頭夜寒持被卷書樓那知跼足半天下投老浮山省舊遊

戲題郭慎求所寄書尾

老罷歸來寄一塵交親南北散如煙誦君雪暗天涯句離

合升沉二十年

慎求為海州幕官行縣嘗有詩云曉鳥啼啞啞遊子初去家去向何許雪暗天一涯云云斷句云舉頭語天公慙慙推日車頗為吾黨所推

題叔問燕文貴雪景

一壑回環十二峰茅茨送老白雲封如今塵裏看圖畫却愧當年那曼容

新作紙屏隆師為作山水筆墨略到而遠意有餘戲

題此句末句蓋取所謂柴門鳥雀噪游子千里至

也時守秀州屢乞宮觀歸山居未遂

急雨初收山吐雲清溪曲曲抱煙村拋書午枕無人喚歸夢真疑鵲噪門

會稽喜得家書

黃耳東來一破顏直從松竹報平安遙知雲頂峰前住霜
鬢風篁六月寒

試端溪古硯偶書二首

白首重來祇厚顏有懷端欲向誰傳語言相對都無味色
在蜚鴻落照邊

人生當復幾兩屐我飲寧須三百杯破硯猶堪磨老境醉
拈椽筆掃霜煤

卽事

雲裏琤淙十九泉茅茨淡寄白雲邊何年斷取仇池境擲
過荆吳萬里天

偶作三首

薰風習習動林光紫翠陰中草木香山鳥一聲清晝永白

雲淡處北窻涼

老向甘泉補侍臣歸來還作卧雲人一重一掩藏煙塢三
沐三熏屏世塵

誰遣生駒玉作鞍春來首肯徧春山自知不入黃塵仗振
鬚長鳴出帝關

書壽昌驛

歲暮白日速風高黃葉稀歸心與寒鴈一夜向南飛

和翁秘監彥深喜絕句四首


朝來喜氣溢層霄側聽封人共祝堯密雪正應歌九扈疾
雷先已破三苗

時初珍睦寇

卽看新綠歸千畝還見陳紅積九年便覺雨暘如有意不
須花草苦爭妍

九重誠意格天關一夜風回萬壽山銀闕瓊臺迷遠近真
疑羣玉接蕭閑

風鈴相語紙窻鳴拭縮飢鴟凍下驚却憶剡中高興盡雪
消江草喚悲生



竹洲詩鈔

吳徹字益恭初名偁避秀園諱改名登紹興二十七年
進士調明州鄞縣尉歷官至朝散郎知邕州軍州轉秦
州乞祠主管台州崇道觀卒于淳熙十年謚文肅當時
朱子及張南軒呂東萊陳龍川范石湖葉水心陳止齋
諸公咸與友善其自邕而入對也南軒書孔子之剛曾
子之勇南方之強三章以誌別嘗作尊已堂記朱子見
之喜曰往者張荊州呂著作皆稱吳邕州之才今讀其
文又見其所存其為聖賢所許如此四方從學者尊為
竹洲先生

吳子既結茆竹洲以娛親復於居之前沼為亭以朝
爽名之蓋亭西面於晨興看山為宜

抱甕自灌園勝游貴人門有口自酌酒勝與俗人言園中
多蔓草晨夕費鋤芟遇夜或風雨安得久盤旋村酒不常
有有亦多苦酸而况醉中語繆誤人所嫌不如飽喫飯清
風北窗眠眠多則無覺夢境仍多端惟有古斷簡言行皆
聖賢讀之未竟篇眇昏如夢間讀竟亦何爲聚訟徒喧煩
厭煩以靜勝又類枯木禪振苗不耘苗亡羊兩茫然何如
池上亭虛曠可看山山色日夕佳晨興夜氣還宴坐日過
午清陰猶未遷西山倦拄頰南山興悠然晚山雖好不遮
日誰能觸熱望長安

和孫先生彥及棣華堂詩韻

伏蒙頒示棣華堂詩引援古今發明大義使學者知不
徒事汗墨而已讀之凜然增手足之愛佩仰厚賜亡以
爲喻輒依元韻亂道拜呈

大雅久不作聲色淫鄭紫古來非一秦焚厄故如此西都
盛經學聚訟自茲始建安委道真典午事玄理錦縠蔚雲
霧組紉亦信美後生不着眼千古空信耳誦習號純儒曠
達稱高士有如富賈賈多藏不能使又如病酒狂沉酣糟
粕旨源流日以遠循襲不爲耻先生秉大雅江東今夫子
持身不夷惠漫仕無愠喜學術心得筌蹄視經史蘭舟
翼桂楫巨川端可涖我家世從公公欲出泥滓愚不堪世
用非人不我以破屋蔭蓬根春薺老墻址寂寞誰肯顧公
獨不我鄙遺之珠玉篇諄諄說友第直欲障頽波肯與爲
茅靡觀公用意處可與召穆比弟兄吾手足父母吾怙恃
盡此菽水歡還勝有酒醕古來願爲兄日月不可弭聖賢

師百世河海濶千里公如大醫王一世膏肓起

寄題鄭集之醉夢齋

利欲醺人心濃如飲醇耐沉湎死不休寧論千日久豈知
糟丘中醒狂亦時有天地育萬彙亦各賦匹偶人情豈相
遠好惡隨妍醜集之年方壯濯濯春月柳性獨與人殊無
婦奉箕帚丈室誇醉夢作詩詔朋友古來醉夢人亡羊孰
先後寒儒醉糟粕酸澁寧可口莊生夢蝴蝶幻境徒紛糾
富貴得志士列屋羅螭首象牀粲錦幄疎綺滾朱牖酣寢
喚不醒鼻息春雷吼梅花霜雪姿紙帳蔬筍臭問君有何
好甘作老鰥叟窮狀徒纍纍鴛鴦債長負負猶如荷旃人難
論純綿厚但問雪煎茶何如羊羔酒

汪叔耕見訪不數日別去惡語爲贈兼簡子用子美

二友

負勞得老窮掃軌事幽屏楚然羅雀門有客頽而整悲歡
十年別樽酒清夜永妙句時驚人盈軸肯傾廩三日語未
休霜寒夢歸省臨流分別袂波光照孤影重念吾故人雪
屋清燈冷劉子抱遺經浚井級脩綆曹子中庸學天理窮
性命老驥鼓不作塞旗望公等天晴風日佳何時過甍徑
石鼎然豆萁冰菹煮湯餅

題陳仲禮四知軒且當折柳之意

陳侯一世豪筆力萬人敵卧之百尺樓平眺劉元德收斂
湖海氣一室僅容膝平生不欺心自護如拱壁客來問字
細論文旋糶官梁買酒樽夜溪四壁冷徹骨酒酣一笑溫
如春三年官滿何所畜滿船稚乳書幾束長安侯門高於

天東薪炊米桂炊玉問君持此將安歸君言歲收可百斛
吾儕本無膏粱念况今老矣其何欲宰相時來則爲之切
莫倒行夸食肉

寄題淳安陳令君讀書林

能吏事深刻商利謹毫釐俗吏趨期會簿書自羈縻寥寥
絃歌聲千古空餘思還淳山水邑令君丘壑姿邑民本無
事君亦何所爲治已物自治化行風漸移君復何所欲讀
書常不足拄腹五千卷挿架三萬軸曾未出毫芒萬室已
蒙福堂東松竹林昔時闕荒榛堂中燈燭光昔時照紅裙
今何聲吾伊蕭蕭風雨晨問君有社稷亦復有人民奈何
獨自苦學道則愛人

陽村道中邂逅趙仁甫

筇途轉清溪孤村帶寒月瀟灑竹間亭意行成小立賓主
莫誰何悠然良自適俄有貴公子胡驄搖寶勒下馬相勞
苦呼酒道疇昔遂令麋鹿姿頗爲人物色佳實進霜堅異
釀引寒碧興盡還獨歸沙頭寒月白

題祝聖寺浮梁道中

金碧照征涂松竹開幽徑山僧壽八十腴貌儂視聽囊鉢
聲錙銖棟宇視巖整如公方外人跡世一泡影辛勤畢此
生更欲傳不泯當家第父菑居位靈國政厖公豈容誅三
歎發溪省

題古巖舊嘗侍孫先生題名巖中二首

白日瀟瀟松徑靜紅渠冉冉洞門深風涵廣宇生虛籟夢
破西窗上夕陰景物眼前渾似舊塵埃題處恐重尋羸驂

落日孤村路塵土依然滿病襟

覆簣一拳進嵌空百肘寬僧房因石室蟻穴夢槐安塵路

十年別松風六月寒淒涼舊題處不忍更重看

過叢桂堂故叔祖教授讀書之所

古瓦頽垣迹已陳孤猿別鶴自哀吟可憐叢桂烟蕪沒惟

有一池春水滾秀木千章新過雨寒山一帶暮傷心清風

明月時來此夢斷雲飛何處尋

送洪史君赴闕移節會府

史君文彩漢相如暫向明時縮左符為郡似家身似客視

民如子吏如奴魯公金石光千古吏部文章妙兩都戴白

垂髫相與語如公治行向來無

拾梧子

雞犬三家市蓬蒿一畝宮春盤厭笋蕨秋子積梧桐客夢

五年過文盟千里同時清臺省貴袞袞看諸公

送錢虞仲兄弟

燈火相從總角初只今已是十年餘窮愁懶漫吾猶故文

采雍容子甚都借連璧官來同寂寞歸鞍寧不少躊躇風

流一別應如雨儻有來鴻細作書

和呂守環秀堂三首

久合鳴珂上九門一麾猶許飽看山豐年諸縣公事少燕

寢清香兵衛閑鳥度屏風明水鏡雲生畫棟擁螺鬟向來

蛛網蝸涎汚勝處豈非天地慳

一州如斗帶溪山空翠家家遶畫欄丘壑自非曾次有雲

煙誰暇靜中看衣冠共識家風在閭里方知漢法寬戴白

垂髫相與語今年有飯飽加餐

田家但識豐年樂見說花城日更長如獲從公時拄笏尚
能援筆侑飛觴雞豚社癸年年酒柿栗園林樹樹霜更倩
漁郎問樵徑溪山深處是吾鄉

休日飲直之運屬家

天與吾人臭味同一官落魄郡城東偶逢休暇追鳧鷖閑
拂塵埃勘鼎鐘適意不知華袞貴醉餘聊看舞裙紅只愁
寒漏催羣動又踏朝靴逐曉風

次徐令韻

少日曾披九虎關誰憐投老却乘邊貳車謾說牛刺史多
稼惟欣大有年榆柳關河無犬吠牛羊阡陌斷烽煙玉關
人老知無用廟算如今出萬全

清明陰雨呈同舍

薄薄輕寒作許陰村村花柳爲誰新良辰欣見百五日冠
者仍餘五六人冷雨淒風連午夜飛花流水一年春窺園
未阻江東興陌上應多翠黛顰

弋陽道中

積雨今朝霽東皋晚日紅人家深蔽樹野水濶浮空久客
仍行發青春已過中嶺頭人望處腸斷白雲東

偶成

晚來一雨破炎蒸蕉葉葵花照眼明稍與燈花尋舊約却
嫌庭樹作秋聲

寓壺源僧舍三絕

風簷浙浙褪新青書展殘燈翳復明讀罷離騷還獨坐此

時此夜若為情
 悶來掩卷已三更
 風露涓涓月滿庭
 閑撲流螢衝暗樹
 危梢點點墮寒星
 歸來閉戶還高枕
 牕隙微通月影斜
 風急忽驚烏鵲起
 空堦蔌蔌墮松花

益公省齋藁鈔

五一

周必大子充一字洪道廬陵人第進士中博學宏詞
 科以教錄召試館職授秘書正字至監察御史孝宗初
 權給事中請祠提點福建刑獄除秘書少監直學士院
 侍講中書舍人出知建寧遷翰林學士除尚書叅知政
 事拜樞密使右丞相封濟國公光宗拜少保益國公出
 判潭州寧宗初以少傅致仕卒贈太師謚文忠年七十
 九韓侂胄禁偽學指為罪首有集二百卷詩格澹雅由
 白傅而溯源浣花者也

道中憶胡季懷

珍重臨分白王巵
 醉中那暇說相思
 天寒道遠酒醒處
 始是憶君腸斷時

行舟憶永和兄弟

一挂吳帆不計程，幾回繫纜幾回行。
天寒有日雲濤凍，江潤無風浪自生。
數點家山常在眼，一聲寒雁正關情。
長年忽得南來鯉，恐有音書作急烹。

次韻沈世得

作式

撫幹川泳軒

江山倏晴麗，雲月助色澤。
向來面面景，天日誰洗滌。
主人倚晴檻，回首笑謂客。
府公實知己，餘事懶經畫。
翫蒙廕大厦，軒窓開澤國。
架簷逼象緯，植礎壓鹵斥。
仰看天宇大，俯覺地軸窄。
端如倩巨靈，妙手重開闢。
此興固非淺，無入不自適。
華闕望中敞，棠陰坐上得。
波光動藻井，帆影落几席。
所欣魚依蒲，未許歸見壁。
陰晴及朝暮，氣象如幾易。
颺二有餘韻，鳥度無留迹。
市聲沉浩浩，漁唱聞昔昔。
油簾終

疏修然晉八伯淋瀟傅翰墨，鏐擊開金玉連壁。嘉同志倚

玉許涼德頻慙陂，量客未為俗。駕勤惡詩信非，請勿作春

秋責

和仲寧中秋赴飲莊宅

方語頑陰蔽，月堂坐看涼。
吹動枯楊疾，驅雲陣千重。
翳盡放水輪，萬丈光莫問。
蚌珠圓合浦，且聽羯鼓打西涼。
疎狂自我何須撓，撓取吹笙玉雪郎。
來詩有妙曲撓周郎之句

送趙富支

彥博

倅洪州

期集分攜五載前，衝泥各上浙江船。
如今再贈城南柳，依舊梅黃夜雨天。
辛未四月晦團司結局今復以是日送君行

次韻釀飲

層軒發天藏，初日照粉牋。
韓退之高雄觀跨鵬背，頰促陋

蠶箔飛緩會蘭亭傳觴寫桑落飲興江海窄逸氣雲天薄
雖無漢侯鯖粗勝周禮釀清歡謝絲竹賀厦驚燕鷗
賭勝負獻俳紛戲謔涼風徧廣坐長夏失重燭柳文燭高
會方繼日初筵今告要令四難并詎止一餉樂明朝傳
絕唱百年無此作薦聞須狗監賡獨恨鼠璞今王馳蒲輪
之子尚蓮幕行參瑚璉用歸助梁棟託謂沈相讀書照青藜
視草詠紅藥回顧廣文寒莫忘雞黍約

次韻趙公直賞心亭釀今古風

晉人誇新亭假日輒高會中間伯仁輩未免楚囚對江山
猶古昔快物已曖昧東郊今保釐翠華記行在佳麗壓滌
楚追遊勝冠蓋茲樓貫城雉于邁無小大令威雖不歸
初茲靈光故無碍黑雲互明滅川郭相映帶當年烏衣

此日思一概從容值休沐登臨多慷慨幽懷忽軒豁細故
絕芥蒂已尋詩社盟更許食期戒佳實滿坐上好風來天
外舟移白鷺名洲遠目送飛鳥快方種淵明秫粗免監河貸
一醉儻可期與君時倒載

送鄧曹根移帥揚州

聞道維揚地望雄風流人物似江東六龍前日臨淮海五
馬由來說醉翁碧月幾橋留夜色珠簾十里待春風遙知
九日平山會笑插茱萸滿鬢紅

送蔡德輝理教授

晚折臺城楊柳枝夕登瓜步狒狸祠請君收拾江山助歸
和薰風殿閣詩

留別蘇仁仲通判

公才豈合尚題與天遣寒儒此曳裾
午夜燈花曾共賞三春樂事未全疎
尊前窈窕傳新唱耳畔瀾翻聽異書
此別不須勤戀惜君王日日問嚴徐

送光祿寺丞李德遠請春祠

君家臨川我廬陵兩郡相望宜相親
長安城中初結綬石灰橋畔還卜鄰
扣門問道日不足篝燈照夜論心曲
寸莛邪許撞洪鐘跋鼈近將隨驥驟
聞君上書苦求歸君今豈是當歸時
滿朝留君君不顧我雖歎息何能爲
莫攀楊柳濤江岸莫唱陽關動車斷
行行但祝加飧飯潮落風生牢繫纜

恩許奉祠子中兄重寄

迂儒豈足助維新日奉威顏辨主臣
可罷本非緣一事致

疑初不怨三人弟兄有祿供溫飽
畎畝何階答聖神此去讀書真事業
向來正字誤根銀

次韻子中兄相迎詩中有莫松楸之語
追念別後叔母子柔下世故卒章及之

浙水秦淮度十霜官清誰薄簡
編香向來怪虛鳥鳥樂歸去喜同燈
燭光身近廣寒猶內熱手遮赤目却
心涼只愁初踏江邊路封土纍然似斧堂

重九竹園見梨花懷子中兄

魯花著雨卽塵埃何似深秋耐久
開菊尚無多饒瑞質霜如有意護香腮
也知林下風光早不爲山中曆日催
望斷行人思折寄却疑呼作嶺頭梅

十月十七日大椿堂小集胡從周季懷以予目疾皆

許送白酒彌旬不至戲成長韻

畏疾甚畏威目昏口止酒爾來時一中免使論薄厚儀康
久廢祠釀具散莫糾採藥山已焚種秫時轉後門稀問字
客室乏借書在尚賴金石交每顧貧病叟前時相娛樂如
對疏廣受有漿不待乞似驗歲在酉今日掃風軒明日毛
園蕪白衣雨不來往往化鳥有頗聞繼高會需醉牛馬走
寧忘伐木詩酷胥各朋友或疑夾西江耻復餉升斗胡不
玩易象樽盞納吾牖二義倘未然諾責何爲負君兮優阮
籍僕也減充守結交十五年果可不飲否食言能無肥有
字乃免咎速宜倒糟床走送昔與醜勿學比舍郎夜半招
吏部

送七兄監廟赴南宮兼呈大兄知縣

河梁曾誦送行篇蝸角牛毛十五年畢竟中間多夢爾抵
今相對各蒼然蕭蕭暫隔蓮牀雨蕩蕩初行萬斛船誰近
上林看躍馬東陽詩句定先傳

題神岡廟

其神蓋六朝時劉竺使君也

岸斷川平拔一峰丹青剝落古靈宮邦人歲久忘遺愛賈
客時來乞好風二水有情猶磬折霜楓無數尚旗紅岡頭
故趾宜亭榭城郭江山在眼中

甲申中秋子中兄賦詩有八月分圓二十年之句蓋

歎中間多難且離別未嘗爲此會也次韻

世事渾如蚋過前刀頭喜對鏡飛天陰晴萬里同茲夕離
別前時照幾年此去莫令疎會合從來無意必騰騰幾患
種秫迎佳節窮鬼還來笑買田

近屢爲此詩垂成輒改

夜坐困甚

馬通薪熱夜爐深，柱膝承顏夢欲成。不記坐來湯沸鼎，却疑蓬底聽灘聲。

次韻王少府送蕉坑茶

昏然午枕困漳濱，醒以清風賴子真。初似參禪逢硬語，久如味諫得端人。王程不趁清明宴，野老先分浩蕩春。敢向柘羅評綠玉，待君同碾試飛塵。

二月十七夜與諸弟小酌嘗榼實誤食烏喙烏喙堇也古書云以堇實泔殺人戲成韻

伏神老芋不傷生，江蟹彭其禍亦輕。我獨好奇嘗泔堇，誤思榼實殺三彭。

永新賀升卿攜中原六圖相過論古名將出師道路

形勢可指諸掌為賦詩

歷歷山河一卷書，博聞疑是古潛夫。金城未入職方考，玉坐正披輿地圖。取虢不應須假道，勝齊終困用真儒。從來美玉勞三獻，豈比巾箱襲碣砮。君嘗再上書

次韻芮曹國憶去年上元二首

使節番禺重，中朝社稷臣。喜沉刁斗夜，遠布玉墀春。古寺看紅葉，報恩寺菩提葉燃最佳蕃街試幻人。餘歡曾畫否，應記繞梁塵。

門外人隨月，窓前竹動風。老便佳節靜，病幸綠樽空。春至鴻聲北，人遙蝶夢東。隔年詩有債，生理固知窮。

病中次務觀通判韻

老眼亂蟬翼，樂事歎何有。今年不銜盃，更暇問濡首。愛山

空在山樾埴詎容走塵埃登高帽生澁彈碁手三年一蒲
團近者坐欲朽朝來獨何事乾鵲窺甕牖開門得新詩刮
膜如釋負卷舒幾百回呼舞駭鄰友吾曹交以淡悠久或
采韭此味只自知它人薄玄酒

曾英發蓮幹頃攜二詩相過今復寄贈大篇且惠漢

唐金石刻輒次前韻道謝

君家奕葉播芳馨室有圖書暴兩榮詩什編成風雅頌
章臨徧草真行興來文陣千軍掃醉後談鋒一坐傾已許
春風來過我從今日日聽嚴程

屢空不擬論錢神多病惟思對藥臣驟獲斷碑勝與綺徐
觀妙語可書紳起予字字典三歎集古駸駸訪九垓欲寄
嘉州選何物折楊聊復和韶鈞

青衣道人羅尚簡論予命宜退不宜進甚契鄙心連

日求詩爲賦一首

亦知磨蝎直身宮懶訪星官與曆翁豈有虛名望蘇子謾
令簸惡似韓公時清早退人誰宥命薄當閑我自通破戒
問君君會否九人於此不相蒙

立春日飲羊羔酒

姚魏紛紛殆百家天香一出自無譁傷多莫厭扶頭酒貴
少翻嫌滿眼花康樂舊聞宜水竹翰林新調帶煙霞從渠
草木呈新巧終愧吾公正且葩

頃創碁色之論邦衡深然之明日府中花會戲成二

絕

局勢方迷碁有色歌聲不發酒無歡明朝一彩定兩賽國

手秋唇雙牡丹
醉紅政不妨文飲呼白從來要助歡暮色應同三昧色狂
丹何似九秋丹

池陽四咏之二

夜泊清溪弄水亭棹謳徐起月華明水晶宮畔西湖上除
却兩邦無此情右弄水亭

天遣江山助牧之詩材猶及杜筠兒向來稍喜唐風集今
信樊川是父師右杜筍崔村

再登翠微亭和同年湯平甫

相君早日翼天飛晚落江湖罪以疑好事一時開翠壁佳
名千古紀黃扉朝遊要及鴉翻樹夕返何妨螢濕衣更得
湯休奇絕句後來誰憶謝元暉

贈黃格非

詩社飄零二十年春官老子復登仙豫章幸有橫枝在好
覓鸞膠續斷絃

次韻胡邦衡相迎

路逢驛使嶺頭回喜得新詩勝得梅情似春風縹楚柳句
如鴈雪肩韓魏至今皇側求賢席底事公銜樂聖杯台路
六符行復煥丹心一寸未應灰

向以書戲邦衡云某自廬山游西山當就近公召節
令邦衡有詩督此語不驗次韻

慧遠遙同社洪崖近拍肩松枝年紀萬葉實歲踰千天池在廬

山絕頂有萬年松香城在廬山絕頂有千年栗徑欲通天漢怵因擢酒船致厨臨
四十尊香城均一握易地即皆然邦衡所居亦曰香城山

遊廬山弔大林

上盡諸峰地轉平天低雲近日多陰古來南北通雙徑此
去東西啓二林虞世南碑從泯沒白居易序合推壽康廬
第一推仙境遂使如今忍陸沉

天地觀文殊燈

代馬腥羶暗五臺南方世界且徘徊一燈別是真知識不
用犇波學善財

贈西賢藏主可昇

眉州人與予同庚

我比今年百不能只餘霜鬢愧師兄慇懃覓句無言說其
撥寒灰聽水聲

遊廬山舟中賦四韻

南北周廬阜東西徧九華宴安無醜毒痼疾有煙霞淡

村村酒甘香院院茶馳驅君莫厭此出勝居家

陳宰有詩來迎次韻

沿浙江湖樂有餘滔滔何必歎東徂賞心到處窮佳境好
事逢人得異書風浪送颿時一快魚龍潛穴不須驅歸來
正使無泥洗合壓香醪作歲除

是行徧歷九華三茅匡廬
西山天籟書籍碑制頗富

登龜山次七兄韻

注波緣壁化城中客温奴嗔我亦慵及至龜山還一上為
憐高閣對雙峰

贈崇壽寺僧善修

老僧九十視耽耽二十年來不下山我為九華充法供亦
能禁足老山間

望皖公山

太婆嶺獨高秋浦皖公山正望龍舒端如生女隔天漢不似彭郎近小姑

遊廬山佛手巖雪霽望南山

十日頑陰不見山山一夜雪封庵伊予的有尋山分日照北窓雲在山

胡邦衡相過賞金鳳許詩未送復作木犀會二花殆是的對

身閒端合醉秋光兩地名花况並芳金作鳳形如許巧木成犀裏若為香髻頭自笑辜釵色沙面誰知識帶黃莫問詩壇掩旗鼓天生的對欠平章

邦衡置酒出小鬟予以官柳名之聞邦衡近買婢名瑩梅以為對

濁水難攀清路塵偶曾先後掌絲綸歸來久待茵憑舊至後初逢梅柳新湖水欹斜應有意蘇詩日出水漸湖水散野梅官柳漸欹斜春光漏洩不無因絳帷幸為天荒破日日當為問道人

戊子歲除以柵代酒送邦衡邦衡有詩見戲仍送牛尾狸次韻

先生豈比習池徒薄醞仍慙校尉厨獻柵聊將追拒糒糟只欲伴屠酥削肌知自何人手灌頂疑嘗釋氏醐必許尋花兼問柳敢辭挈榼更提壺來詩有尋花句

邦衡再送二詩一和為甚酥二和牛尾狸

金谷烹煎豈我徒磨春爭語夜關厨六年不賜湯官餽除日猶分刺史酥是日饒守送酥用東坡謝洞守故事小惠無多真畫餅大篇有味勝清酬遙知發纂烘堂處不見蒸鵝只瓠壺

追跡猶應怨獵徒
截肪何敢恨庖厨
繪鱸湖上曾誇玉
煮豆瓶中未是酥
伴食偏宜十字餅
先驅正賴一卮醐
却因玉面新名字
賜斷元正白獸壺

牛尾狸一名玉面壺
後兩日大雪邦衡復用前韻作窮語戲和

天憐寓客混緇徒
十日無煙香積厨
莫雪故教投碎米
饑涎那更忍流酥
旃毛嘴盡寒生粟
風絮吟時韻怕翻
誰教維摩坐芳褥
散花別是一方壺

已丑二月七日雨中讀漢元帝紀效樂天體

昭君顏如花
萬里度雞漉
古今罪畫手
妍醜亂羣目
誰知漢天子
袂服自列屋
有如公主親
尚許穹廬辱
况乃嬪嬙微
未得當犍鬻
奈何弄文士
太息爭度曲
生傳琵琶聲
死對青塚哭
向令老後官
安得載簡牘
一時抱微恨
手

夙馥因嗟當時事
賢佞手反覆
守道蕭傅死
效忠京

史臣一張紙
此外誰復錄
有琴何人操
有塚何人宿
重

不重德聊以砥世俗
古今賦昭君曲雖大賢所不免

胡邦衡生日以詩送北苑八銜日注二瓶

賀客稱觴滿冠霞
樓名懸知酒渴正思茶
尚書八餅分閩焙

主簿雙瓶揀越芽
見梅聖俞謝宣城主簿詩
妙手合調金鼎鉉
清風

到玉皇家明年勅使宣
臺餽莫忘幽人賦
葉嘉

邦衡再和次韻

金章紀出氣凌霞
不愧君王坐賜茶
講讀罷餽商嶺烹來

思舊樣
王元之詩云樣標龍鳳號題新賜得還因作近臣

意處豈期商嶺水碾時空想建溪春香牙九

蕭氣圓似三秋皓月輪愛惜不
洛泉煎處歎新芽
唐劉言

嘗惟恐盡除將供養白頭親
詩評未怕人生癭
監濟惟防賊破家
賸

郊洛北野泉煎茶
詩云粉洗越笋芽

欲蒼生蘇息否剛嚴須是相王嘉

邦衡用舊韻慶予生朝賡續為謝

蓬山落拓復經春宦海茫茫懶問津志節漸銷平日壯

毛空比去年新午橋早並緋衣相一月還同赤壁人

六月生子丙午七月生同居廬陵故特比裴度周瑜二公事實天造駑駘追驥跡無如

德異疵醇

賀范志能農圃堂

荒淫吳以顛戰勝越云吉是非兩安在阡陌眇蕭瑟公來

開別墅草莽手爬櫛陰晴及寒暑每到皆勝日新詩弔興

廢收拾滿箱帙有客師元亮甫謝彭澤林幸分北窓風客

此易安膝

入直召對選德殿賜茶而退

綠槐夾道集昏鴉勅賜傳宣坐賜茶歸到玉堂清不寐月

鉤初上紫薇花

過鄔子湖

萬頃湖光似鏡平蜿蜒得得導舟行從來仕路風波惡却

是江神不世情

奉祠還姪繹以詩相迎次韻

聖朝有道合羞貧清畫那容裏路珍金馬玉堂辭漢殿桃

花流水訪秦人敢吟莫莫休休句且佚膠膠擾擾身高會

竹林欣有日速籜玉友釣溪鱗

前歲冬至與胡邦衡小語端誠殿下道直下書事今

年邦衡舉易緯六日七分之說輒用子美五更三

點為對後數日得劉文潛運使書記去年館中團

拜人今作八處感歎成詩

青城小語慶新陽共向紅雲拜玉皇
六日七分驚歲月五更三點憶班行
屬車誰從黃麾杖釣艇還飛白羽觴
猶勝去年三館客十人八處更相望

十二月十九日餞劉文潛運使明日書來云醉夢中作小詩但記後兩句爲足成之

幽人門巷冷於冰使節光華官再登
今夕青燈話三館明年何處說廬陵

臘旦大雪運使何同叔送羊羔酒拙詩爲謝

未雪冰厨已擊鮮雪中從事到君前
淺斟未辦銷金帳快瀉聊憑藥玉船
醉夢免教園踏菜富兒休詫饌羅羶
爛頭自合侯關內何必移封向酒泉

簡提刑吳大卿

宗旦

勅四路獄二首

瑞節頻移意可知西川西廣又江西
蘇黃到處君行部物色分留待品題

堆勝橫看白鷺洲青源穩着釣臺幽
魯公翰墨師川句訪古何妨與一遊

丁酉二月二十日同部中諸公遊下竺御園坐枕流

亭觀放開桃花數萬隨流而下繼至集芳

也是時海棠滿山郁李滿欄殆不類于人間
世明日入部而桃花數枝伶俜窓外未時內直則海棠郁李各一株方開遂賦此二絕句云

萬點紅隨雪浪翻恍疑身在武陵源
歸來土界多官府又與殘花雨不言

清勝堂前花萬重玉堂署裏兩芳叢應憐寓直清無侶聊
伴衰翁宿禁中

季懷設醴且示佳篇再賦一章以酬五詠

卯飲高樓徹莫霞絕勝茆屋已公茶
籜包句好逢真賞荷葉甌深再嫩芽
詩老坐中容我輩朝賢乞處藉吾家
詩來屢別歐公茶詩故用籜包詩老事孟郊憑周况于朝賢乞茶詩云越甌荷葉空
酌親朋味轉佳

尚長道見和次韻二首

詩成蜀錦燦雲霞宮樣宜嘗七寶茶
壓倒柳州甘露飲子

茶詩猶同甘露飲洗空梅白膏芽聖俞茶詩春芽研白膏睡魔豈是驚嘉

將茗戰都緣避作家怪底清風失炎暑朝來吉甫誦嘉
連日雨涼

鍾山處士映高霞止酒惟親睡起茶
遠向溪邊尋活水聊于竹裏試陽芽
一甌休問帝前席七椀且同僧在家
所愧叔孫無五善若為重拜晉君嘉

頃雲夢至善注院賦詩一聯已丑七月十三日因遊

續成一絕

門外千竿竹繞墻清風終日注回廊
五年未續夢中句得得來追三伏涼

七月十五日邦衡用前韻送薰衣香二帖韻為謝

天香猶帶曳裾霞銀合行參到闕茶
故事召用兩府將到闕中使賜銀合茶藥香臙馥欲沾吾臭味普薰聊發善萌芽
心清此去誇僧舍意可由來出內家
乞與博山添正氣漸巖曾辱更生嘉劉
薰爐銘云加此正氣巖巖若山

萬安韋邦彥字俊臣攜王民瞻楊廷秀謝昌國絕句
相過次韻勉之

盧谿筆力透天心楊冷文追正始音更讀池塘惠連句識
君何待接清襟

後學爭歆雨後巾前賢久澤霧中文韋郎勉力追三傑
它日人還做五雲

送梁山長老智顯

秦人溪畔漢人山萬木參天六月寒寫向湯休詩集裏老
夫要作畫圖看

昨以清醇之酒為邦衡侍郎壽乃蒙惠詩且約深秋
清集至時侍郎當捨芙蓉而面三槐某已歸東籬

悠然見南山矣次韻為謝

觚稜回首六經春重挈荷囊止要津桑下未忘三宿戀柳
邊仍喜一番新即開東閣招奇士快與西湖作主人濁酒
誇張真過矣如公詩句乃清醇

從駕過德壽宮馬上得程泰之次庚寅玉堂舊韻有
銀章金帶之戲走筆為謝

推敲也復從鳴鑾鳳沼詩盟故未寒兩制空煩舍人樣
日語命及答
部皆年兄筆外郎爭比大夫官
僕官朝請郎年
兄新轉大夫翰林今夜

仍連直講殿明朝豈兩般畢竟五金如五味莫因黃白議
鹹酸

程泰之昨有金帶銀章之句十二月二十八日乃因
押伴北使赤岸御筵服重金侍宴紫宸殿坐間嘗
作數語為戲後兩日復得其詩亦再次韻

甚日重黃侍御鑿幾時八坐佩金寒古詩云眼赤何時雨
云連被不日並殿庭屬目誇新貴閣門官部曲低頭拜舊
八坐幾時除官秦之嘗二春官五日尹京非細事四時仕宦固多般秦
今春復借太宗伯借今春服綠夏間階今重行隔品詩仍捷應笑官卑語帶
借金紫真傳游藝也酸

次韻徐元敏權貨同年

當年駕鶴對躡丹梯上廣寒綠髻旋同依帥府華
顛今並列王官文才似我無多子契分於君有四般唐人
年詩云契念舊不妨頻枉駕甕頭隨意酌甘酸
分四般同

邦衡侍郎留金陵再用津字韻賦詩謝送賜茗復以
丙申小春四鈔寄贈

淳熙又貢第三春驛騎星馳渡劔津七祖師泉難話舊謂

源八功德水且嘗新雪亭烹處休裝景火閣煎時却可人
只恐春從官柳邦衡侍動樂天還欲醉精淳唐朱敬則傳
藥
理名

聞西省賞醪醪芍藥戲成小詩奉簡秦之侍講舍人
年兄併以丁香橄欖百枚助筵却求殘花數枝

羣玉園中作主人紫薇花底會嘉賓風光總屬程夫子好
念文昌寂寞春

滿架冰肌含碧雲翻階翠袖映紅纓玉堂只有金沙在伴
直明朝又屬君翰苑僅有此花秦之明曉直宿

酒頰桐馬莫分甘金賜麟蹄指敢尖紅白賞殘堪底用雨
中折贈未傷廉日歷所進書賜金及酒多

從來引玉卽拋磚自笑囊空百不堪賴得酒酣須茗飲聊

將青子助回甘

次韻閣刑部才元楊梅

炎官傘照濤江紅五月獻果明光宮

無他楊譜則同蜀中絕無楊梅玄珠更將赤水浴流火呈祥復王

屋下伴長安黑彈丸殺吏驚人寒起粟新詩字字含芳鮮

大書遺我敦同年請君速訪天竺老食白追繼仇池仙東坡

寄天竺二齋才詩云且食白楊梅六曹長貳觀潮予以入直不預捕時大雷雨走筆戲

蔡子平

雷轟萬鼓勒潮回無復庭前雪作堆應為尚書慳且擬有

風怪雨一時來

次韻天官韓尚書七月十八日風雨中觀潮予以入直

不赴

禁直惟聞漏鼓催潮聲遙聽訝蚊雷忽傳傑句天邊得如

對洪濤海上來大筆直能扶風雨小才何敢助涓埃古今

奇觀須秋半好句重銜伯雅杯

邦衡再送皇字韻詩來次韻

賓鴻列陣競隨陽却向丹山隱鳳皇銀管題詩紛滿帙金

銀度曲儼分行漢官蚤促三更席梁苑行稱萬壽觴上頂

陸辭奏云今年當會家都上壽稱觴顧我飄零無着處

非公湔被尚誰望

又次邦衡族姪長彥司戶韻

聖世恩榮盛孝章北窓自欲傲羲皇通家喜燕雞豚

郡愁親鴈鴛行陌上花開入鬪草甕頭酒熟客傳觴

行樂君休厭召驛相將項背望

近會同年賞芍藥嘗櫻桃楊謹仲教授有詩次韻為

謝兼簡周孟覺知縣

清晨自掃落花廳小甕親籊竹葉精簪盃同時遊陋巷臚
傳相與記彤庭階翻紅藥曾重見僕十年間兩直西掖矣勅使朱櫻
亦屢經老去飄零無此夢詩來吟咏有餘馨

同年楊謹仲示薌林諸帖皆以老杜相期惟童敏德

謂不合學東坡殆非知詩者輒用此意成惡語一

篇為誕辰壽祝頌之意見於末章

過江人物向汪曾一世龍門未易登常恐斯文無砥柱何
推佳句有師承波瀾正使來西蜀廉陛何妨逼少陵天
百年如衛武會賡懿頌中典

過餘于吳師中秀才以小詩惠歛硯次韻謝之

舊曾起草向明光獨與羅文近赭黃三載瓦池研竈墨因
君聊復夢羲皇

送陸務觀赴七閩提舉常平茶事

暮年桑苧毀茶經應為征行不到閩今有雲孫持使節好
因貢焙祀茶人

鸞棲枳棘已多年父老猶傳主簿賢扶杖喜迎新使者赤
帷何惜與高褰

疲鴛久倦直明光風味嘗思十八娘擬請一麾依教舊得
無公道學蘇章

進讀三朝寶訓終篇賜宴錫賚謝恩詩

藝祖提劍開八荒太宗混一垂衣裳真皇破神武揚

夏憶寧法度彰寶訓成書紀宏剛有典有則蕩葉昌億昔
壬午神龍翔季秋庚子辰集房肇開講席臨清廟藉袍玉
斧光照廊台司夾侍書案黃翰林進讀天容莊微臣簪筆
近御牀親聞玉音義甚長君子小人初何嘗非關時運弱
與強祗繫人主所否臧當年紀注此特詳紹興壬午九月
庚子初開經筵
亦召宰執聽講讀洪遵初讀三朝寶訓第一卷至太宗問
呂蒙正君子少而小人多蒙正曰此繫時運盛衰陛下宣
諭云不然願人主好惡如何耳臣時
為侍立官退以聖語載起居注中往來寒暑今一章牙
篋謬執心徬徨終篇正直恩德洋道山肆筵酌天漿宮花
壓帽羅絲簧硯來復古翰墨光臣所得端硯刻
復古殿三字馬出帝閑
真驪驪闔山正焙隨寶香君賜如天不可量歸美獨愧詞
荒唐恭惟聖治超百王夙夜基命不敢康文德既修可
攘俎豆永掃旄頭芒三聖勳烈同煒煌萬年億載娛慈皇

文忠烈公居洛有丙午同甲會詩今執政府凡三位

樞密使王季海參政錢師魏先在焉前歲夏某忝

參預連牆而居適然齊年時號丙午坊次文公韻

簡二公

文公八十會伊川盛事于今有百年豈意蒼顏華髮叟亦
陪黃閣紫樞仙府居未至容連棟班路前瞻愧北肩下丙
連千支合德君臣慶會豈虛傳

和龍舒兄春日出郊韻

庭束蒲鞭吏晝閑禽聲人語兩關關郊祠戎隊穿花裏
陌兒童戲雉間禪語屢題投子寺仁風常滿皖公山
為壽開道交宸八尺一封泥合錫還

陶淵明有已酉重九詩一首其以此年此日每大吉

益公省齋夢錄 十九
水距永和才一程耳輒用其韻先寄二兄十三弟
并呈提舉七兄

王觀十五載歸來稀舊交我髯昔已華今茲固宜凋去國
甫重午還家倏登高永和弟咫尺如煙霄細懷江東
使地遠心更勞遙知上翠微江山勝金蕉豈無茶更酒望
望思鬱陶相從會有日永矣非一朝

南國築小堂鄰里侯賜獻上梁文戲成小詩記實解

嘲

半畝園林數尺堂凡花疎竹小池塘平泉綠野休相笑事
業功名合自量

用邦衡韻贊其閒居之樂且致思歸之意

一別龍門不計春思公夢渡太華津遙知綠野朱顏好應

笑紅塵白髮新午茗親烹留上客夜茶酣戰調佳人道腴
有味詩彌勝何止水凝與蜜停

敷文閣學士李仁甫挽詞

經學淵源史筆高文章餘力薄風騷紛紛小技誇流俗磨
滅身名笑爾曹

鳴珮甘泉不乏人誰能博古復通今直如汲黯非游俠忠
似更生不鑄金

千卷長編已刻闕爭傳副墨價兼金冠篇不得同迂叟遺
恨猶應記玉音

是是非非口卽心掃除人偽只天真身全五福仍通貴造
物因公勸善人

病後精神更湛然挂冠剛欲及生前去來自在渾無碍撫

掌僧徒浪學禪

[Faded bleed-through text from the reverse side of the page]

益公平園續藁鈔

上巳訪楊廷秀賞牡丹於御書扁榜之齋其東園僅

一畝為街者九名曰三三徑意象絕新

楊監全勝賀監家賜湖豈比賜書華回環自斷三三徑頃
刻常開七七花門外有田聊伏臘望中無處不煙霞卽
下客非摩詰無畫無詩只謾誇

今年閏十月僕營小圃方兩月而張坦夫屢示捷莊

圖有起予之意遂率荦成鄙句

百年種德十年栽映帶雲巖與月臺無問四時留客醉何
曾一日不花開人人爭羨富登覽物物豈知江剪裁我
莫須身更老只今學圃亦悠哉

楊廷秀送牛尾狸侑以長句次韻

江南十月方肅霜小槽初滴鷺兒黃頗思指動異味嘗門
正張羅誰未將披綿強來推不去枯鰕欲進上之尸羊類
豕腥猶可厭昉截脂凝在何處草玄子雲黃門郎遣我黑
面質白章形之硬語努力強寫以奇字伴史倉愧無纖手
色傾國壓糟磨刀走臧獲喜于左手持蟹黃美勝八珍熟
熊白古來狸首歌侯門名以牛後真屈君從金玉汝洗浴
諺好與紈袖陪梁園公詩如貂不頻削我續狗尾句空着

寄題高仲一夔殿撰識山堂長韻

買山老山間乃識山之客愛山無古今此論誰非同仇仙
來唐廬一轉語獨工不識山面目只緣在山中譬之塵漠
漠又如水溶溶人魚居其間孰識得與通我昔少年日自
攜七尺筇盤旋山南北憇息林西東朝看山之橫暮看山
之縱貪多眼爲乏陟險足已慵拱揖且不服賞失良自蒙
方悟白司馬草堂對穹窿彼旣若獻狀此亦如發矇秀甲
天下山至言出心胸今君欲繼之築堂會奇峰何嘗遠城
市而能目迎逢山形不動體山色含真空風雲有蓄洩氣
象無終窮雨餘四面翠日麗千仞紅氤氳香爐煙挺拔雙
劍鋒最愛五老人峻嶒美所鐘可望不可卽有意容相從
羅列皆兒孫八席次第供山雖誇兩邦茲焉實長雄不爲
空堂客詎信山有宗寄語遊山者毋徒走憧憧

送道士張惟深

曾從楊廷秀學詩

出世須拋世俗文休論何遜與陰鏗但求仙伯三年艾
向彌明頂上行

彭孝求

惟孝

以綠野行送芍藥數種鄙句爲謝

占斷春光及夏初琉璃剪葉采珊瑚休論花品同而異
初號木芍藥蓋本同而未異出王元之文集且詠詩人樂且許北第莫辭金鑿
落韓魏公北第賞芍藥詩補引莫辭金鑿落南禪爭看玉盤孟彭宣微恙何妨
醉自有嬌痴婢子扶

魚兒牡丹得之湘中花紅而蓋白狀類雙魚纍纍相

比枝不能勝壓而下垂若俛首然鼻目良可辨葉

與牡丹無異亦以二月開因是得名其餘則芍藥

也予名花而賦是詩聞江東山谷間此品甚多

天教姚魏主芳菲合有宮嬪次列妃玉頸圓瑳宜粉而霞

裙深染學翬衣枝頭窈窕魚雙貫風裏踟躕鳳對飛又似金鳳

花莫把根苗方芍藥留春不似送將歸

太守趙山甫希仁示和篇次韻為謝

阿嬌金屋聚芳菲當御連環聚妾妃龍女墜天頰素頰鮫

人出水織纁衣袖垂戶外瞻雙引鸞語宮中第一飛不用

蟲魚箋爾雅使君行合左苻歸謂魚苻也聊答公歸之句

李子權時中屢求所居江月亭浴沂齋詩老病未能

作坐上示及和花妃詩甚工即席次韻一首所謂

一彩兩賽也

姚皇借黃字去後幾菲菲湘水依然從二妃雙淚一時紅作

連枝千載綠為衣檻前斑竹應同伴波面文鴛欲共飛

吟徧世間閒草木何如江月詠沂歸

楊廷秀秘監萬花川谷中落花甚多光榮俚語叙謝

萬花川谷第芳菲也許湘靈勝伏妃翠葉迎風牽苻帶紅

綃浴日濕宮衣共船不妬龍陽釣警乘猶疑洛渚飛洛神賦云

騰文魚以警乘李善注文魚有翅能飛誰把荒園一魚目換將五十六珠歸

乙卯楊廷秀訪平園卽事

乘興不回安道舟銷憂同倚仲宣樓莫嫌四面酸風射猶勝三塲瀋汗流

次韻楊廷秀

并序

萬花川谷主人爲海棠賦二首妙絕古今斷章有平生不帶看花福不是愁中卽病中之歎代花次韻

江國羣芳自有餘詩才酒興不愁無却憐西蜀移根遠醉向東風落筆初

傅粉施朱淡復濃不辭沐雨更梳風豈知命似佳人薄不在吾公樂事中

右三月二十八日春華樓前芍藥盛開特招歐葛二

兄再爲齊年之集次舊韻

老去猶思飲吸川靜中還喜日爲年艾耆天俾如三壽談辨人驚似八仙洞鑠嵩峯偏入眼丹成岫巒遠齊肩定知樂事年年共更看新詩句句傳

次楊子直使君韻

雪覆冰絲結素華天孫初織費練車花開金谷空平種盡疊瑤英自一家下比山樊誰薄相上攀瓊木各雄夸集仙翰苑須公等歸繼唐賢植此花

次王伯奮

淹

通判韻

王乃文正公家吏部尚書震之曾孫

三槐交蔭盛京華八坐摛文富五車玉樹合教依故國霜蕤何事到山家幸經泥軾新題品全勝雲輶昔誕夸絕唱強酬書字大固應傳笑眼昏花

趙正則彥法司戶沿檄而歸王蓋已過追賦車字韻
詩奉答

春深游客競繁華寶馬香輪帶麴車不為來看招隱樹有
誰肯顧野人家飛飛粉蝶須相映皎皎銀蟾色共夸今得
審言詩勝畫傳神何必趙昌華

唐詩人杜審言為吉州司戶正則嘗刻其詩于廨舍

丁巳二月甲子蜀錦堂海棠盛開適有惠以繡書錦
堂記者招伯威德源為齊年會次舊韻

曾因客夢到西川萬戶疏封抵隔年花重錦官息杜老
飛沙苑看徐仙衰顏尚許任爭齒淺量深慚賜及肩照
蜀粧依繡恍共驚十載識先傳

曾無疑三異以長韻送金橘時已暮春次韻

茶蘼殿春枝澹霜盧橘熟夏今乃黃彈丸煌煌照坐光老

叟驚詫見未嘗客言采果孟冬月剖竹為符帶蒼雪包之
赫蹠滿貯中纏以絲泉外合節或藏綠豆飲醉翁或雜寸
稊仍緘封三說未識將誰從但覺色香新摘同分甘安能
與眾樂秘方何惜都傳却已誇指下石北金仙指併求君

戊午春同甲小集舊次韻

會老三人似潁川生同絳縣免疑年各年七十三尊常有酒何

妨醉事每無心即是仙儉欲固應知足忘形誰問是肩

肩香山已寫丹青像德源近繪三壽圖洛誦仍憑副墨傳

紹興庚午某與安成劉逢辰秋闈同薦逢辰四子伯

德禮淳熙甲午解魁登第今宰臨川仲德仁拔癸

卯解叔德恭負雋聲季德性紹興乙卯復冠鄉舉

出示當時小錄手澤在焉為題二小詩於後

丁年韋布逐槐忙結綬王畿四紀強已把衣冠挂神虎夢
回猶未熟黃梁

鹿鳴舊籍晚重看翰墨場中興久關同榜諸郎皆舉首老
夫安得不衰殘

新光州守趙師夷字國佐才高一世任京口以讒廢
宰太和以憂歸得羣待對沒於逆旅家會稽又遭

火焚之今既葬矣其子寄行狀求追挽嗟悼
不足情見乎辭

籍甚天支萬事通傷哉人爵一生窮飛英北闕讒何極游
刃西昌秩未終千騎絕憐成畫餅八人那忍助融風只應
快閣長流水遺恨滔滔向浙東

劉仙才仲子俊示其父醉庵詩集索鄙句

蹇步樊榭到竹溪病眸眩矜刮金篦清風滿座無塵事遺
墨盈編有舊題久羨山人居水北今知詩社續江西醉吟
跌宕誰能寫髣髴琳瑯識介珪

慶元戊午重九天氣晴和待王七兄提舉監丞早集
清都臺午飯讀詩書臺晚集神岡西臺皆古迹也

戲成小詩

年豐和氣借春來雨足黃花趁節開要識重陽真富貴弟

兄一日歷三臺陸士龍與兄書云一日上三臺曹公藏石
墨十萬斤又蔡邕以侍御史轉治書侍御

已未立春留楊伯子長孺知縣小酌夜聞窻竹有聲

伯子以為雪或曰風也已而果雪詰旦敲門送詩

走筆戲和

莫訝衰翁笑口開故人風度繼歐梅
墮筵雪陳魚麗遠踏跡詩仙鳳沼來
酒似茅柴居鬲上句如桂子落天台
新年春自相追逐誰謂天公厭兩回

已未二月十七日會同甲次舊韻

里人初不問山川身健徒教換歲年
紅紫丁寧容老圃丹青點化屬詩仙
情均鴈序兼鸞友壽貫犀顱映雀肩

賀升卿年垂八十以書寄平園新詠二十二篇又錄

十年前簡予四詩尚有訪戴之興謹次最後一章

韻為謝

文與年高豈樂天字隨心正亦公權吟詩作賦晴窗裏問

柳尋花野水邊

升卿居永新縣東別墅去縣百二十里

喜我新集三徑就勞

君舊句一時編雪舟有興休回棹共載期追李郭仙

仲嘉致政敷學尚書注兄寵和鄙句且寄適軒記詩

銘等皆纂白樂天語也敬以來意盡用樂天事次

韻

鄞川人物擬山川公似香山更永年
楊柳櫻桃俱是幻蓬萊兜率孰非仙
平生名脫虞卿曆歲晚書齊夢得肩
近岸連檣多賈客定攜新句海中傳

徐商老

夢莘

叅議直閣進書登瀛劍孺榮堂來索鄙

句許示奏藁寄題

三孔三劉歲月賒後來儒術數君家
五枝舊折燕山樵八月新乘海上槎
方履圓冠無愧怍西崑東觀有光華

益公平園續彙錄 七
縱許窺青簡銀海何堪眩黑花

三月三日適值清明會客江樓共觀並茶偶成

二小詩約坐客同賦

上巳清明共一時魏花開處亦連枝前身應是唐宮女猶
記昭容雙袖垂

莫思樂事年年減且喜春花日日開兄弟相看俱八十研

朱贏得祝嬰孩趙通判每云朱書八十字可極難見願
欲其春如此

正月三日胡季亨及伯信仲威叔賢昆仲歐陽宅之

李達可同自永和來雨中小集疊岫閣用金鼎玉

舟勸酒下視林梅戲華舉說命五說戲祝六君蒙

次前韻賦佳篇各徵舊事各以一篇為謝

未復中原近有淮前朝該輔只時來濟川用礪我無是作

醴和羨何有哉正喜春晴知歲暮初一初二皆晴頓招兩燕坐廳

開和詩更作齊兒語老手屠龍合拊孩

右答李季亨

舟浮江海達於淮不盡詞源滾滾來人自浴沂三益者
成泛剡兩佳哉千鍾但使尊中滿札帙從教案上開却
兒童聚嬉戲爭騎竹馬弄泥孩

右答胡伯信

元和頌聖雅平淮韓柳文章付後來聯璧照人今燦者斷
金定契古誰哉白醪勸我頻需醉青眼逢君宜懶開會散
東風吹面纈凍梨欣喜色如孩

右答胡仲成

朱顏青綬憶秦淮白鷺洲疑鰲駕來側畔交遊欣忭者守

間賡和負康哉新春漸覺風光好陳迹時將日記開惟有
詩情不如昔傍觀撫掌倒綳孩李白金陵詩云二水中分
白鷺洲城上有亭紹興庚
寅分敘時每登覽忘歸自此日有記事已四十六年合
陵江中亦有白鷺洲嘗創小樓會客其上懷舊及之

右答胡賢叔

安流咫尺異踰淮有興何妨疊權來茗椀茆柴殊易耳萍
蘆豆粥豈難哉談鋒不怕通宵直燕席寧辭逐日開况是
上元佳節近華燈萬點看蓮孩謂孫孩蓮

右答歐陽宅之

濁涇不必羨清淮社燕賓鴻任去來老子何曾憑日者後
生正合競時哉圓規枉把方心鑿塵世常令笑口開八十
老翁行未得不如能說小兒孩

右答李達可

周愚卿江西美劉棠仲同賦江珧詩牽強奉答周一字圓

東海沙田種蛤蜊南烹苦酒濯瓊瑤饌因暫棄常珍變指
為將嘗異味搖珠剖蚌胎那畏鵲柱呈馬甲更名珧累人
口腹吾何敢慚愧三陰喜且謠四月江珧自小種而為大
生致行都廣間則腊之近
方稍卽用酒漬乃能寄遠韓文公詩章舉馬甲柱鬪以怪
自呈柱卽珧也廣韻亦注蜃屬甲可飾物至玉珧似蚌殼
中柱美

元宵煮浮圓子前輩似未曾賦此坐間成四韻

今夕知何夕團圓事事同湯官尋舊味竈婢詫新功星燦
烏雲裏珠浮濁水中歲時編雜詠附此說家風

再賦

時節三吳重京師貴浙燈東坡上
元詩云三吳重時節勻圓萬里同溲浮雖有

法烹煮豈無功杜喜雲杪白徐妨酒復中策勛俱是秣適
口不全風

七月十四日江西美約周愚卿兄弟及許景陽相過
共觀鶴雛羽毛褐色因飲食雙酸新酒擘開中新
荔於白蓮池上遂成盛賞明日西美有詩走筆奉

和

起來汗浹似翻漿客帶清風變早涼鶴子曳衣猶淺褐鵝
兒對酒已深黃白蓮近揖三千女丹荔遐招十八娘但把
槐忙付年少不妨老伴燕林塘杜審言晏公主山池詩云
鹿麕街妓席鶴子曳童衣
某紹興甲子赴試此地小居今十年三歷秋舉每遇
中秋必與親舊歌舞之今歲大病使令輩散遣蕭
然偶伯信伸威攜子姪相過喜成四韻

上元甲子此攻堅卜築安居正十年登堞遙觀燈奪盡歸
家却賞月流天丹臺旋葺新爐竈絳帳都拋舊管絃賴有
故人將驥子功名不斷復青氈

江西美復送四景詩再次韻

酉歲應知富酒漿頻年暫輒奏伊涼沼蓮不使紅侵碧池
鵲聊容白護黃照坐雖無駢火寶絮尊幸有絡絲娘西風
早晚驅殘暑何日尋盟到野塘

三次韻答江西美

菲飲簞壺食與漿淡交非復世炎涼佳名誰合戎州綠紗
語端由太史黃無怨不須移孔議有情未可老徐娘荷香
襲坐忘歸興不覺昏鷗影度塘

四次韻 同前

只因瑞露酌天漿解后移尊赴晚涼眼看碧幢整蓋無心
慚白鴟立槐黃飲隨人量陳三雅興入詩情談四娘雪
月離今驗矣共欣甘雨溢陂塘東坡催考校詩門外白
如立鴟莊子吻不日然一
白並音雀漢書注黃鴟下太液池似誤矣黃在樓卽書
鴟雀聲相近其色亦然

五次韻同前

客嘉五饋合先漿竹好仍生一味涼天與冰肌勝傅粉
馳火齊捷飛黃將雜華表丁令喚度京江憶杜娘屢在
新篇誰可擬一川煙草賀橫塘

四景詩似欠一篇五更枕上足成之錄呈西美司書
勿勞屬和僕亦偃旗閉壘矣同前

甘寒何必柘爲漿也解邊巡造醴涼更喜雀鳴添子和休
因荔進引焦黃花如宋玉窺鄰女詩似劉郎問秦娘只欠

西湖雙畫舫便疑風景類錢塘

劉訥畫廬陵三壽圖求詩

同辭宦路返鄉閩兩驢驢中間以鴛前後顧瞻羞倚玉支
干引從偶連珠三人不用邀明月九老何妨續畫圖從漢
二疏唐尹後相親相近此應無

次韻楊廷秀待制瑞香花

灞橋忍凍兩相攢漢殿含香別一般粉面固宜垂紫袖錦
裳何必著中禪禁庭侍史今同宿宮帽花枝故自欒咀嚼
新詩懷舊直刺貪寧不媿河檀

楊子直以一詩送小兒歸省又一絕及平園花本校

文苑英華併次韻一笑

老去何心悅盛華觀書無奈眼昏花但思載酒楊雲宅細

問三州二部家

作象隨卦云爾

栽花種竹滿平園人道安閒似樂天自笑鉛黃消永日何如蠻素樂華年

嘉興癸亥元日占寄呈永和乘成二兄

歸田初不隔江淮底事心元未往來賭酒彈棋真夢爾

幼

與見以此字歲不覺天明膠牙藍尾亦悠哉

修襖歸來却踏青臨流謀野兩關情不如省事遊春女挑菜渚邊看水生

王藉文學求讀書堂詩

倚相端能記典墳子羔未可治人民十年莫作攸之恨萬卷方知甫也神堂下從渠糟粕議城南容我簡編親鐵更三搯韋三絕將聖猶然况後人

次韻楊廷秀待制二首

某思規層宇欲屈故人落之乃未許枉駕先貽二詩曲盡登臨之勝遂成絕唱謹次原韻其前自叙其後敬簡因致一來一往之意

十年不侍殿東頭臨水登山隱者流一服瞳方無異相三層句曲有巍樓幸殊王粲非吾土何事龐公不入州至後臘前天欲雪扁舟乘興官來不

官府新辭上界仙碧瑤洞口晉桃源默存常在清都境歸去休無靖節園為問龍樓并鳳閣何如佚老及平原明年大作南溪社會訪拾遺花柳村

大雅南樂舞會詩合書詩卷七

去朴無華道固為問蕭對花鳳閣何岐并步又平泉即平
官亦濠翰上界山響響同口晉對感熈存常五音濬泉
淵前天浴雲嵐欣乘興官來不

曾回曲在巖巖幸極王榮非吾土何事飄公不入此至終
十半不計幾東面翻水登山觀香齋一別觀古無異林三
因疑一來一卦之意

盡登湖之湖遊如絲即蠶火風讀其前自珍其終婚前
某思賦風宇浴風对人慕之已未信珠驚矣韻二詩世
水齋詩卷之二

